

DISPV TATIO  
PHILOSOPHICA,  
DE DISTIN-  
CTIONIBVS, IN  
CATHOLICA ET CELEBRI  
VVirceburgensi Academia, circa studio-  
rum renouationem, anno 1590.  
mense Nouemb. die  
proposita.

*Respondente pro Magisterij gradu,*  
INGENVO ADOLESCEN-  
te, & artium liberalium Baccalau-  
rico, IOANNE STRECKIO,  
Vdenheymensi; &  
E SOCIETATE IESV, IOAN. REINHAR.  
DO ZIGLERO, OEDENCOVIENSI.

*Praeside*  
M. IOAN. MÖLHVSI NO,  
THVRINGO.

WIRCEBURGI,

Excudebat Henricus Aquensis. Anno 1590.

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

DE DISTINCTIONE

REVERENDIS-  
SIMO AC ILLVSRISSIMO  
PRINCIPI, DOMINO, D. EBERHARDO  
à DIENHEIM, religiosissimæ Nemetum Ecclesiæ Antistiti,  
Weissenburgensi Præposito dignissimo, & Imperialis  
Camerae Spiræ Iudici æquissimo, &c. Domino  
ac Principi suo clementissimo. S.

**N**aturam, rerum omnium moderatricem, ac pro-  
vidam utilitatum opportunitatumque commu-  
nium, Princeps Reuerendissime ac Illustrissime,  
mirabilem quandam erga patriam amorem, mor-  
taliū animis indidisse, fortissimorum virorum præclare  
facta, satis attestantur. Quid enim Publium Decium,  
Romanum consulem (ut ceteros omittam, qui nec pauci  
nec ignobiles) vitam, quæ charius hominibus vix quicquam  
esse solet, aspernari coëgit? Patriæ charitas. Nam cum bello  
Latino, positis apud Veferim fluuium castris, partem suam in-  
clinare, resque Romanas penè iam prostratas & concisas iacere  
videret, seipsum & Latinos hostes Dijs manibus deuouit, ac  
protinus concitato equo, impetu in hostes facto, salutem pa-  
triæ, ingenti facta strage, suis vulneribus, sanguine, morteque  
propria, recuperauit atque restituit.

Huc etiam præclara illa vox pertinet, & sempiterna me-  
moria digna, Lacanæ, cuius Cicero in Tusculanis meminit;  
quæ cum filium in prælium misisset, & interfectum audisset,  
iccirco, inquit, genueram, ut esset, qui pro patriâ mortem non  
dubitaret occumbere. Sed, cum patriæ tantus amor nobis in-  
genitus sit, an in eos qui eandem sartam teetam nobis conser-  
uant tuenturque, studium nostrum & officium nullum erit?  
Sanè debet esse quam maximum. Si enim eorum virtuti, qui  
suis laboribus, curis, vigilijs, patriam vel pepererunt vel au-

xerunt, omni pietate & officio satisfacere gestiamus (sic enim Poeta, Aeneam suos compellantem introducit;

— Egregias animas, quæ sanguine nobis  
Hanc patriam peperere suo; decorate supremis  
Muneribus.) *verissime q̃ dictum ab illo sit;*

Non minor est virtus, quam quærere parta tueri;

*Cui quaso dubium esse poterit, quin patria etiam Seruatoribus & tutoribus, omnia debeamus? Voluit huius rei magnum specimen Pop. Rom. in Quint. Fabio Max. humando enitere. Nam cum iste quinque consulatibus ingenti Reip. Rom. commo administratis, ab hominibus demigrasset, certatim sumptus contulit, quo maior ac speciosior eius funeris pompa duceretur. Nunc verò, quantatū sollicitudine, industria, prudentia, labore, Episcopatum Spirensē, patriam meam charissimam, tot iam annis conseruâris ac tutatus sis, Princeps Reuerendissime ac Illustrissime, cum in omnium ore versetur, ignorare nemo potest. Hæc igitur causa satis iusta mihi visa est, cur has meas de distinctionibus philosophorum theses, amplissimò tuo nomini nuncuparem, non quod tam magna & insigni doctrina eas abundantes esse arbitrarer, aut tanto verborum nitore & splendore elaboratas, ut in tanti Principis nomine apparere possent, sed quò pro summis beneficijs, quibus patriam meam vniuersam ornare & locupletare pergis, grati etiam mei animi significationem aliquam darem, præsertim cum quam beneuola in te voluntate vniuersi tui subditi essent, satis intellexissem. DEVS Opt. Max. sua gratia & benignitate ita te complectatur tueatur q̃, ut non modò nos Spirenses, sed Germania vniuersa, diu te florentem & incolumem fuisse gaudeat. Vale. VVirceburgi, ex Kilianeo, 14. Septemb. Anno Dom: 1590.*

Reuerendis. ac Illustris. C. T.

Humillimus Client,

Ioan. Streckius Vdenheimensis.





C A R M E N  
AD INGENVVM  
ADOLESCENTEM,  
IOANNEM STRECKIVM, AR-  
TIVM, ET PHILOSOPHIAE BAC-  
CALAVREVM, BENEVOLENTIAE  
ERGÒ SCRIPTVM,

A

M. ADAMO VOGELIO, EÜRDORF-  
fiano, Francone; SS. Theologiae  
auditore.



*Iccinè praeliquis, Musarum munere, Strecki,  
Fulges? Sic alijs celsior ire paras?  
Nonidum certè amplexu dignissime, nec non,  
Vinciri myrto, tempora, colla, comas.  
Quod cyrcæa, quibus dominatur Iuppiter, arua,  
Liqueris, & Sophici cæperis esse chori.  
Abdita ubi Astrorum sensu rimaris acuto,  
Vnde fretum refuat, terra vel unde tremat.  
Cynthia cur lateat velatis mæsta capillis,  
Qua Iubar auricomum, sol ratione tegas.*

*Num tangi sentis cœlesti rore medullas?  
 Atque DEI afflatu, fervida corda regi?  
 Vt Iunonis avis, stellatas explicat alas,  
 Ingenij, varias tu quæque pandis opes.  
 Ergo, haud immeritò vocitaris Streckius, ergo,  
 Conueniunt rebus, nomina sæpè suis.  
 Maeste animo, studijs temet seruato secundis,  
 Et præsume sacro pectore; maius opus.  
 Virtutem exerce, (Quidenim submersa tenebris  
 Proderit?) hoc Phæbus, Pierides q̃, iubent.  
 Nam lyra si reticet, vel si non tendit nr arcus,  
 Quæ ratione potest utilis esse? Vale.*



SYNO-

# SYNOPSIS DISTINCTIONVM, TOTA HAC DISPVTATIONE EXPLICATARVM.







# DISPV TATIONIS, DE DISTINCTIONIBVS PHILOSO- PHORVM, PARS PRIMA.

## ASSERTIO PRIMA.



SE aliquas rerum distinctiones, apertum & antè omnium oculos, positum est. Quanti verò harum cognitio facienda sit philosopho, Socrates, qui, vt ait (a) Cicero, primus philosophiam deuocauit è <sup>a</sup> lib. 5. Tuscul. cœlo, & in vrbibus collocauit, satis apud Platonem, quæst. in (b) Phædro testatur, dum sic inquit; si quem offendero, qui sci- <sup>b</sup> circa finem. tẽ & aptè, vnum multaquẽ possit discernere, hunc à tergo, tanquam Deum confector. Quid ergo distinctio sit, & quænam eius genera, diligentius explicare conandum est.

### II.

Sed cùm distinctionis cognitio, ex identitatis notitia, facilius innotescat, quid identitatis sit, aduertamus oportet; hanc verò Arist. (c) sic describit. *Identitas, est vnitas ipsius esse, plurium, vel eorum, quæ vt plura sumuntur*; ac si dicat, est aliquorum circa aliquod esse indiuisio. Etenim cùm pluribus commune quippiam est, tum eius ratione, eadem dicuntur; vt quibus vna communis natura, illa specie eadem sunt. Dicit autem Arist. *plurium, vel eorum, quæ vt plura sumuntur*; quòd aliquando in rebus ipsis, plura non sint, ea, quæ tamen non secus, ac si multa essent, eadem vocantur; sic Socrates si- bi ipsi idem appellatur.

### III.

Ex hac identitatis descriptione, licebit hanc colligere definitionem distinctionis; *Distinctio, est diuisio, in quodam esse, plurium, vel eorum, quæ vt plura sumuntur*; vt illa dicantur distincta, quæ in aliquo esse non conueniunt. Sic homo & equus se habent; & Socrates, absolute consideratus, & quatenus pòst, de seipso, enunciat; homo enim & equus v. g. naturam eandem specie non habent; & Socrates, quatenus de seipso dicitur, esse quoddam rationis, sibi vendicat, quod simpliciter & absolute spectatus, non participat. Vnde, priora illa, in aliquo reali, at posteriora ista, in aliquo rationis esse, non conueniunt, quare & differunt.

A

Ne

### IIII.

Ne autem, de distinctionibus acturi, confusè & indistinctè omnia dispergamus; primo loco, quibusnam distinctionibus, vsus fuerit Arist. tum, quibus alij; & tandem, quibus vtendum sit, quantum quidem fieri potest, breuiter, clarè, & distinctè docebimus.

#### DE DISTINCTIONIBVS ARIST. ET PRIMUM, de identitate & distinctione numerica, specifica & generica.

### V.

Identitatis & distinctionis numericæ, specificæ, & genericæ, d cap. 6. sæpius commemorat Arist. Primo enim Topic. (d) sic ait. Idem tripartitè distributum est; aut enim numero, aut specie, aut genere, idem soliti sumus dicere. Numero quidem eadem sunt, quorum & nomina plura, & res eadem est, vt vestimentum & vestis. Speciei autem eiusdem sunt ea, quæ multa sunt, neq; specie differunt; vt duo homines, duo equi. Itemque eiusdem generis sunt illa, quæ eidem generi subiiciuntur, vt homo & equus. (e) Genere verò differunt, quorum non est communis materia, nec genere adinuicem, quorum alia figura categoriæ. Ibidem, (f) diuersa specie dicuntur, quæcunque cum eiusdem sunt generis, non sunt subalterna, &c. Quæcunque verò multa (g) numero sunt, materiam habent. Identitatis (h) etià analogicæ, non rarè meminit.

e 10. metaphys. t. 12. c. 1. sum. secunda. & 5. metaphys. t. 33. cap. 28.  
f 3. 16. c. 9. item 10. metaph. t. 24. c. 7. & t. 25. c. 8. g t. 49 c. 4. sum. sec. 12. metaph. h 12. metaphys. t. 22. 26. 28 c. 4. sum. prima.

#### DE IDENTITATE ET DISTINCTIONE ex subiecto.

### VI.

Subiecti nomen, pro omni eo accipi potest, quod alicui subijcitur, siue materia sit, siue forma, siue ex vtraque compositum; & siue id quod recipitur, forma sit substantialis, siue accidentaria, siue solum essendi quidam modus. Et in vniuersum, quando cunq; vt ait (i) Comment. Vnum se habet vt deferens, alterum vt delatū, tunc, & alterum subiecti, alterum, adiuncti vel formæ locum obtinet. Ergò, vbi quippiam vt sibi ipsi subiectum concipitur, vt ens qua ens est, v.g. ibi & vtriusque identitas intelligitur; vbi vnum vni subternitur, ibi etiam vnum subiecto & vnū formā est; quod si vnum

i 12. metaphys. com. 39.

si vnum duobus subiecti dicatur, vt cū idem & calidum est & dulce, subiecti identitas, formarum verò diuersitas & distinctio admittenda. Si duo subiecta, & sua sub forma quodlibet concedatur, & subiecti & formæ quædā est admittenda multitudo & varietas.

Vnitatem & identitatem subiecti, locis quamplurimis vtitur Arist. ex quibus nullo negotio intelligitur, quidnam ex ipsius mente, de distinctione ex subiecto, sit dicendum. Aliud (k) enim, inquit, album est, aliud musicum ratione; idem tamen est vtrumque. Idem inquam, subiecto, vt D. Thom. & Auer. explicant, & post illos alij. Alibi verò, (l) posse ægrotare, & posse sanari, eadem non sunt, sed subiectum horum vnum est & idem.

Huc ergò, identitas & distinctio, ex materia, referri potest, cuius (m) nonnunquam Arist. facit mentionem.

## DE IDENTITATE ET DISTINCTIONE

*secundum formam, modum, actum*

*& potentiam.*

### VII.

Formam accipimus pro quacunque, siue ea realis sit, siue etiam intentionalis, physica vel metaphysica, qua ratione, & ipsa definitio, forma est. His autem modis, secundum eam, identitas consideratur. I. Maximè illa eandem formam habent, quæ cū res vna eademque sint, diuersa solum sortiuntur nomina, vt ensis & gladius, vel etiam ea, quorum vnum est alterius definitio, quo pacto homo, & animal rationale, eandem formam habere dicuntur. II. Ad hanc identitatem, illa accedunt proximè, quæ cū distincta sint, eadem tamen numero formæ gaudent; quo pacto plures eiusdem hominis partes, & ratione quadam diuersæ, vna indiuisibili anima rationali, informantur. Sic Arabica illa intelligentia assistente, plures homines fruerentur, si reperiretur. III. Pòst hæc, sequuntur duo vel plura, eiusdem speciei indiuidua, quod enim vna & eadem sit eorum definitio, formæ etiam quodammodo eadem dicuntur. II II. Tandem, illa quoque eadem hoc pacto existimari possunt, quæ eandem quidem, sed secundum essendi modum, aliam atque aliam formam habent, vt artifex, qua est talis, & res arte facta. (n) Quæ enim formæ, res artificiosa sit, eadem & artifex, sed modo longè dissimili.

k 1. phys. t. 21.  
cap. 2.  
3. phys. t. 10.  
c. 2. itē t. 18. c. 3.  
4. phys. t. 50. c. 6.  
2. de ani. t. 141.  
m 1. de anima.  
t. 53 c. 3. item 10.  
metaphys. t. 24.  
2. 5. c. 7. & 8.  
sum. secunda.

n colligitur hoc  
ex Aristot. 1. de  
partib<sup>9</sup> c. 1. 2 de  
gen. animal. c. 1.  
7. metaph. t. 23.  
& 12. met. t. 18.

• Arist. 1. phys. t. 21. c. 2. & t. 60. cap. 7. Hoc distinctionis genus, Arist. valde frequens est. (o) Ea quæ sunt, ait, multa sunt ratione. Item, subiectum mutationis, etsi numero vnum sit, non tamen specie vnum; atque pro eodem accipio, specie, rationeque differre. Non enim est eadem, hominis & immusci, ratio, id est, (p) definitio.

t. 35 c. 5. 3. de ani. t. 5. & t. 37. & 38. Distinctionis secundum modum, si tamen ab hac est diuersa, meminit, cum sic ait; (q) alimentum ipsum, pro vt quantum est, auget; pro vt substantia, nutrit. Item, (r) fit, vt hæc (carnem & esse carnis) etiam alia, vel alio modo sese habente, (animi parte) cognoscamus.

r. 3. de ani. t. 11.

Distinctionem secundum actum & potentiam, iterum & sæpius usurpat. Quoniam autem, (s) inquit, aliqua potentia sunt atque actu, at non simul, aut non eodem, sed vt quippiam calidum quidem est potentiâ, frigidum autem actu, complura iam vicissim agent, & patientur.

s. 3. phys. t. 8. c. 2. item 2. de ani. t. 148. 3. de anima, t. 23. 7. metaph. t. 49.

## D E D I S T I N C T I O N I B V S N O M I N A L I V M.

Hæc de ijs distinctionibus breuiter dicta sint, quas Aristoteles usurpauit. Restat nunc, vt exponatur, quidnam posteriores philosophi, ijque maximi scholastici, de ijsdem senserint. Primò autem, Nominalium de hac re sententiam explicabimus, qui hoc potissimum sequuntur.

• Ocham. 1. d. 2. q. 3. Gregor. 1. d. 8. q. 2. art. 1. Durand. 1. d. 2. q. 2. Gab. 1. diff. 2. q. 1. & 3. Duas (a) duntaxat distinctiones recipiendas, vnam quidem realem, alteram verò rationis, cum duplex tantum ens sit, reale scilicet & rationis. Quamuis enim, vnam eandemque rem, diuersis conceptibus, intelligi apprehendi que posse, non negent, hanc tamen differentiam, rectius conceptibus quam ipsis rebus, tribuendam arbitrantur. Si quid fortè præterea, ab illis requirendum videatur, id explicat Gabriel, hunc fermè in modum.

b Gab. vbi supra, Not. 1. Primò. (b) Rem quamque seipsa, id est, per seipsam, formaliter atque intrinsecè & sibiipsi eandem fieri, & à quocunque alio distinctam: neque ad hoc, quippiam esse necessarium, extrinsecus adscitum, cuiusmodi id omne censendum est, quod neque res ipsa met, neque aliqua eius pars haberi dici que potest. A quo enim res quæque entitatem accipit, ab illo etiam habet unitatem, nihil autem



tem per aliud ens est, sed seipso, ex quo efficitur, ut etiam seipso sit vnum, id est, à se indiuisum. Quemadmodum autem quidque seipso vnum est, ita etiam à quouis alio distinctum ac separatum. Sufficit enim, ut discrimen inter aliqua & differentia statuatur, vnum aliud non esse, quicquid præterea ad hoc efficiendum adhibueris, superuacaneum erit.

*Secundo* (c) Contradictionem regulam esse omnium optimam, & Gab. vbi antea  
qua de distinctionibus iudicetur: adeo, ut de quibuscunque con- Not. 2.  
tradicientia efferantur, ea quoque distincta sint. Et vicissim, quæcunque distincta esse deprehendantur, contradicientia etiam in se admittant, videlicet tali ratione distinctum esse, & non esse. Si enim illis inter quæ nihil est omninò discriminis, affirmatio negatioque opposita posset attribui, foret profectò, ut etiam de vna eademque re, (quo nihil absurdius) contradictoria liceret pronunciare, cum quicquid de aliquo dicatur, dici quoque de omni eo verè possit, à quo ipsum nihil est omninò diuersum.

*Tertiò*. (d) Aliquam distinctionum varietatem admittendam d Gab. Not. 3.  
esse. Neque enim solum genericæ, specificæ, numericæ reperiuntur, verum etiam aliæ, cum sub numerali, essentialis contineatur, realis, formalis, siue ex natura rei. Genere autem ea distinguuntur, de quibus diuersa genera quorum neutrum alteri, tanquam species subiicitur, in quid prædicantur, ut homo & planta. Specie, quibus diuersæ species vltimæ, in quid attribuuntur, ut homo, leo. Numero, de quibus diuersa indiuidua essentia distincta, enunciantur.

*Quartò*. (e) *Distinctionem numeralem essentialem* eorum dici, quorum e Gab. Not. 3.  
vnum aliud non est, neque aliquod idem singulare est vtrumque: vel eorum, quæ de se inuicem verè negantur, ita, ut quodcunque singulare, verè attribuitur vni, negetur omninò de altero, quo pacto Petrus & Ioannes, & generatim res creatæ vniuersæ, distinguuntur; Nam Petrus non est Ioannes: & nihil quod Petrus dici potest, Ioannes est. *Distinctio realis non essentialis*, eorum est, quorum vnum negatur quidem de altero, sed tamen aliquod singulare, & simpliciter vnum, est vtrumque. Sic Personæ, oppositæque relationes in diuinis differunt, Pater enim non est filius, nec Paternitas filiatio, & tamen vna singularis, eaque simplicissima diuina essentia, & Pater est & Filius, Paternitas & Filiatio. *Distinctio deniq;*

*formalis*, est eorum, quorum nomina seu voces, ipsa præcisè & singulariter significantes, de sese mutuò verè affirmatèque dicuntur quidem, non tamen continuò, quicquid verè singulariter & affirmatè prædicatur de vno, etiam prædicatur de altero, quin potius singulare aliquod verè de vno affirmatum, verisimè negabitur de altero, sic essentia & relatio, siue essentia & persona distinguuntur, essentia enim est paternitas siue pater: & filiatio vel filius est essentia: & tamen filius non est pater, neque filiatio paternitas est.

f Gab. Not. 4.

(f) Ex his consequens est, omnem formalem distinctionem, ex ea quæ rerum est, promanare, eamque necessariò supponere.

g Gab. Not. 4.

*Quintò. (g)* Omnem qualemcunque tandem rerum distinctionem omninò realem esse, vel eam certè poscere. Quæcunque enim eiusmodi sunt, vt de ipsis (vel de ijs, quæ essentialiter eadem cum illis sunt) contradictoria asserantur, re ipsa differunt. Sed omnia quocunque tamen modo distincta, sic affecta sunt. Ergo omnia distincta (vel aliquam eis essentialiter eadem) sunt realiter distincta, cum sola contradictio sit, qua rerum distinctio concludatur.

b Gab. Not. 4.

*Sextò. (h)* Neque tamen ea, quæ re differre dicuntur, formaliter etiam distincta esse volunt, sed illud ipsum, quod in eandem rem cum vtrisque re distinctis incidit, à quolibet illorum formaliter distingui censent. Ex quo fit, vt hoc distinctionis genus cernere non liceat, nisi quando vna eademque singularis & indiuidua res, pluris est, quarum vna non sit reuera alia. Quod cum in diuinis solum locum habeat, in creaturis minimè, iccirco etiam in diuinis duntaxat formalis distinctio probatur, à creaturis planè summouenda, & quod ipsa non minori difficultate, quàm ipsum sanctissimum Trinitatis mysterium intelligatur, recipienda nunquam est, nisi id vel sacræ scripturæ vel Ecclesiæ cogat autoritas.

a Ant. Sireti,  
de formal. p. 2.  
initio. Anton.  
Tröb. ibidem.  
Maurit. in Epit.  
formal. & est cõ  
munis corũ sen  
tentia, ex Anto.  
de Fantis, in ad  
ditionibus.

## DE DISTINCTIONIBVS

### SCOTISTARVM.

Sed vt apud Nominales, permagna est distinctionum pœnuria & raritas, ita apud (a) Scotistas contra, earundem maxima est vbertas & copia. Has itaque numerant. *Primam*, rationis. *Secundam*, ex natura rei, *Tertiam*, formalem. *Quartam*, realem. *Quintam*, essentialem.

tialem. *Sextam*, se totis subiectiuè. *Septimam*, se totis obiectiuè. Quæ  
vt intelligantur, hæc erunt cum ipsis aduertenda.

## DE DISTINCTIONE RATIONIS.

*Primò.* (b) Distinctionem rationis esse, cùm per intelligentiam  
nostram, vel alio etiam modo, rei alicui, ens rationis quoddam  
accedit, quo vel ab alijs, quæ tali ente carent, vel etiam à se ipsa dif-  
ferat, si secundùm se præcisè spectetur. Sic res quæuis cognita, à se  
ipsa sine tali cognitione considerata, diuersa est, sic prædicatum  
quoduis, à quouis etiam subiecto distinctum. Sic innumera penè  
alia, & à seipsis, & ab alijs sunt differentia.

b vide Anton.  
Tromb. in tract.  
formal. p. 2. art.  
1. con. 1. & 2.  
P. Tattaret. in  
com. suis. in Sco-  
tum 1. dist. 2.  
q. 7.

*Secundò.* Regulas ad eam distinctionem cognoscendam has  
præscribi posse. *Prima.* Res quæuis, postquam vel intelligendi vel volendi,  
vel quancunque etiam aliam cognoscendi vim, circa eam exercuerimus, à seip-  
sa ratione differt. *Secunda.* Si qua duo sint ita affecta, vt respectus aliquis ra-  
tionis, vni conueniat, alteri verò non item, ratione distincta erunt. *Tertia.* An  
verò talis respectus vni conueniat, alteri non, sic intelligitur. Si contradicentia  
de duobus possunt enunciari, non tamen ratione alicuius, quod in alterutrius na-  
tura contineatur, tum necesse erit, vni horum ens rationis aliquod competere,  
quod alteri non possit attribui. Etenim, si de duobus, ne quidem ratio-  
ne differentibus, contradicentia verè dicerentur, illa etiam de eo-  
dem dici posse, nihil obstaret, quod fieri nulla ratione potest.

## DE DISTINCTIONE, EX NATURA REI.

Vt hæc distinctio innotescat, hæc ex iisdem autori-  
bus addiscenda.

*Primò.* Distinctionem ex natura rei, (c) bifariam accipi posse. c Ant. Tromb.  
Et, vt quid commune est, ad omnes eas distinctionum formas, 2. p. formal. art.  
quæ præter actionem mentis & intelligentiæ nostræ, inueniuntur, 2. circa finem,  
& vt species quædam est distinctionis, generatim acceptæ. Primo  
igitur modo si vsurpetur, omnis qualiscunque tandem rerum dis-  
tinctio, ex natura rei, dici poterit, quod genus in omnes suas spe-  
cies

cies conueniat, eisque attribuat. Si autem secundo modo accipiatur, sic species quædam, alijs omnibus opposita est, non amplius commune quid, adeò, vt neque distinctio formalis, neque realis, neque essentialis, quæ tales habentur, inter distinctiones ex natura rei, sint numerandæ. Hic potissimum secundo modo accepta, explicatur.

*d* P. Tartaretus  
vbi antea.  
Anton. Tromb.  
vbi supra.

*Secundò. Saltem ex natura rei distingui*, quæcunque sunt istiusmodi, vt etiam si de illis, nulla nobis esset suscepta cogitatio, tamen (*d*) contradicentia in se admitterent; Quod quidem non sic accipiendum, quasi fieri possit, vt contradicentia de duobus verè pronuncientur, absque vlla actione mentis, quæ contradictoria rebus applicet, cum affirmationem negationemque, quibus omnis contradictio continetur, ab intellectu proficisci necesse sit; sed, quod res ipsa, ex se, sine vlla nostra opera, contradictionis satis idonea fundamenta existant. Sic attributa diuina, ab essentia; res, à suo modo intrinseco; & modi etiam ipsi, inter se, distinguuntur; hoc pacto definitio & definitum se habent; totum item metaphysicum, & partes; superius quoduis, & inferius; eo, quod definitio definiti respectu, itemque partes, comparatione totius, constituentis rationem quandam obtineant, definitum autem & totum minimè.

*e* Ant. Tromb.  
p. 2. formal art.  
2. ante declarationem,  
definitionis modi intrinseci,  
& circa finem artic.

*Tertiò. Ea quæ ita se habent, (saltem ex natura rei distingui)* quod fieri possit. imò non rarò contingat, vt in (*e*) vno eodemque, plures distinctionum species occurrant, quas ab eo, sub distinctis tamen rationibus, petere liceat. Si enim v. g. duo aliqua, inter se differant, nihil prohibet, quin illa sint, non solum fundamenta contradictionis, sed etiam plures quidditates seu formalitates, distinctæ res essentiæ & existentia, habeantque naturas & essentias diuersas. Ex eo igitur, quod contradictionis fundamenta sint, distinctio ex natura rei, in illis exurgit; formalis verò, quod diuersas quidditates sibi vendicent; & ex eo, quod sese habeant, vt duæ differentes res, distinctionem realem efficiunt; & tandem, quod plures sint naturæ & essentiæ, essentialem etiam distinctionem admittunt.

*f* Anto. Sirecti,  
de formal. art. 3  
princip. p. 1. &  
Tromb. ibidem  
& alij.

*Quartò. (f)* Hoc differentia genus, sic percipi. *Quacunque vel vt relata, vel vt contraria, vel vt priuantiæ, vel etiam vt contradicentia, sibi aduersantur, illa ex natura rei distingui.* Agens igitur intellectus & patiens, hoc



hoc pacto dissident, quod ille moueat, hic verò moueatur. Homo item, & illa dependentia, quam à Deo habet, ex rei natura discrepant, quod illa aliud respiciat, homo formaliter ad se sit; sic item essentia diuina se habet, & relatio, quod essentia pluribus communicari possit, relatio nequeat. Inferius item & superius, huic distinctioni subiiciuntur, hoc etenim pluribus se potest impartire, illud non potest.

## D E D I S T I N C T I O N E F O R M A L I.

Ut hanc distinctionem, quæ omnium ferè usurpata est sermonibus, commodius doceant, has voces in primis declarandas sumunt. *Forma, Formalitas, Formaliter.* Harum enim explanatio, viam ad cætera, quæ nō modo de hac distinctionis forma, verum etiam de alijs asserunt, aditum faciliorem parat.

*Primò igitur. (g)* Formæ nomen, pro forma, vel per se subsistente, g Ant. Sireti, vel etiam informante, usurpari dicunt. Per se subsistens, vel à nullo 2. par. art. 3 & oritur, & Deus est, qui, purissimus actus, meritò nuncupatur; vel, Tromb. ibidem. ab alio fit, & est intelligentia. Informans verò, vel substantialis est, quæ compositi naturalis altera pars existit, vnum per se, cum materia constituens; vel accidentaria, quæ rei extrinseca censetur. Sed præterea, nomen hoc, totam rei naturam, ab eo cuius est natura, separatim consideratam, significare opinantur, quo pacto, humanitas, forma totius nominatur, non qua aliquid informetur, sed qua suppositum quidditatiuè sit homo. Tandem, eam omnem rationem, formæ verbum denotare aiunt, sub qua, ex rei natura, potest vnumquodq; concipi & intelligi. Atq; hæc de primavoce.

*Secundò. (h)* Formalitatis nomen à forma deducunt, eoque tribus potissimum acceptionibus vtuntur. *Primo igitur,* liberiori significatione acceptum, significabit omne id, quod in re, ex natura rei, intelligi comprehendive potest, ab anima; quod quidem necessariò non est tale, vt intelligendi vim, per speciem aliquam sui excitet, (i) satis est enim, si eiusdem possit esse terminus. Dicitur i Ant. Tromb. autem in hac descriptione (*ex natura rei*) quod nonnulla à nobis in 2. p. form. ar. 2. intelligi & percipi queant, non quod ipsa extra animum nostrum in declaratione definitionis for- malitatis. existant, sed quod esse suum, ab ipsamet intellectione recipiant;

talia figmenta sunt, & entia rationis quæcunque alia. Esse formalitatis, de qua hic est sermo institutus, à nostra mente, hoc pacto non pendere volunt, quemadmodum illa, quorum esse nihil est aliud, qua ea à nobis cognosci.

*Tertio.* Vt autem altera illa definitionis pars, (*quod quidem necessario non est tale &c.*) intelligatur, aduertendum cum Scotistis est, duplicem (*k*) rationem, in alicuius potentia obiecto, sese offerre; vnam quidem mouendi potentiam; alteram verò terminandi, eiusdem potentia actum, quod etiam ex Aristotele (*l*) colligi potest, vbi obiectum ad potentiam affectum esse ait, vt id, quod motuum est, ad mobile, aut, vt terminus ad id, quod potest terminari. Ratio igitur mouendi potentiam, tribuitur obiecto, quia eiusmodi est, vt aliquam speciem sui producat, quâ potentia dum eam recipit, ad agendum excitetur; terminandi verò ratio, obiecto competit, quatenus circa illud, actio potentia est occupata, seu in ipsum tendit. Atque ex his duabus rationibus, quamuis posterior, obiecto intrinseca sit, cuius ea natura est, vt circa illud versetur potentia, atque in id, tanquam in terminum feratur; prior tamen, eidem obiecto, extrinseca & accidentaria est, cum relationes etiam obiecta verissima sint, & tamen, speciem aut similitudinem sui, ad animam non transmittant, cum ipsa formam absolutam procreare nequeant, ob minimam suam entitatem. Vt igitur aliquid formalitatis notionem, quocunque modo obtineat, satis est, vt si potentiam mouere per aliquam speciem, quam gignat, non possit; saltem eius actionem, ex natura rei terminet. Atque ea prima est, maximeque communis formalitatis acceptio, omnia ea, quæ extra nihil sunt, comprehendens, etiam modos intrinsecos, & vltimas differentias; quamuis quod ad modos intrinsecos attinet (quos in diuinis numerant (*m*) æternitatem, necessitatem, infinitatem, existentiam: In creaturis actum, potentiam, contingentiam, intensionem, remissionem, & existentiam) non desint etiam ex (*n*) Scotistis, qui ne hac quidem ratione, eos formalitates ex mente præceptoris sui, appellare ausint, quod persuasum habeant, formalitatis nomen, non nisi ijs entibus conuenire, quæ ab intellectu per se concipi possint, eo pacto, vt ex se intelligendi actum terminent, quod modis istis concedi posse negant, cum eorum ea conditio sit, vt sine ijs, quorum modi sunt, percipi non valeant.

*Quartid.*

*m* Ant. Sirecti,  
2. p. art. 2. &  
Tromb.

*n* Tromb. p. 2.  
tractat. formal.  
art. 2. in declar.  
formalitatis.

*Quartò.* Quicquid tamen ea de re sit, si ad eum modum, quo explicauimus, sumatur formalitas, eam, & (o) realitatem & quidditatem, sub se comprehendere censent, quod sic exponunt. (p) *Duplex realitas est; quædã essentia, quædã verò existentia.* Prior ideò obiectiua quandoq; appellatur, quod obijci cognitioni possit, eamque terminare; iccirco, pro vt res quæque hoc habuerit, sic etiam realitas obiectiua dicitur; ideò, si per se obiectum notitiæ nostræ sit, non solum autem per accidens, vel cū alio apta percipi, (quemadmodum modi rerum intrinseci) realitas obiectiua per se, existimabitur. Posterior verò, Subiectiua ideò nuncupata est, quod quidditati & naturæ subijciatur, & cū singulare, qua ratione tale est, subiectum sit quidditatis, propterea res vel realitas, subiectiua nominatur. Ex quo efficitur, vt quod antea dictum est, formalitas, priori modo significata, cū in omne id conueniat, quod sit ex natura rei, siue per se percipi, siue cum alio possit, latius quàm realitas pateat, quandoquidem hæc, ijs solum attribuantur, quæ concipi atque intelligi per se, sine alio apta sunt, multò verò pluribus congruat formalitas. Hinc faciliè quoque colligi putant, formalitatem sic acceptam, quidditate etiam superiorem habendam, quod intrinseci modi, formalitates quædam sint, hoc pacto, neque tamen quidditates. (q) *Quidditas enim est id, quod vel de aliquo quidditatiuè dicitur, vel certè est tale, vt de ipso aliquid quidditatiuè prædicetur, neutrum autem horum modis intrinsecis aiunt conuenire, vt ex ijs, quæ sequuntur, erit manifestum.* Hæc de formalitate primo modo accepta.

*Quintò.* Formalitatis verbum, propriè accipi notant, quando pro omni eo illud vsurpamus, quod est quidditatiuè ens, vel aliquid etiam entis, si tamen non sit modus intrinsecus. (s) *Quidditatiuè autem illud ens censendum esse dicunt,* in cuius formali ratione, entis ratio continetur, cū quidditatiuè prædicari, non sit, vt adiacens & denominans quid, sed instar essentia (quibus hoc conueniat, paulò post explicabitur) de aliquo enunciari, hoc pacto, vt prædicati ratio, in subiecti conceptu includatur, quemadmodum animal de homine dicitur. *Denominatiuè verò illud ens esse arbitrantur,* quod quamuis ens, tanquam adiacens aliquid, & denominans, in se completatur, non tamen illud in sui conceptu & notione postulat, sed quemadmodum rationale continet animal; hoc enim,

o Anto. Sireti  
p. 2. art. 2.  
Not 4.  
p Ant. Tromb.  
p. 2. tract. for-  
mal, art. 2.

q idem, ibidem.

s Ant. Tromb.  
vbi antea,

3 metaphys.  
t. 10.

7. metaphys.  
t. 17.

x Ant. Sireſti,  
vbi ſupra.  
y idem ibidem.

z Ant. Sireſti,  
p. 2. art. 3. Not. 1.

a Ant. de Fan-  
tis lococitato.  
b Anto, Sireſti,  
vbi antè. Not. 4.

licet per modum adiacentis & denominantis, de rationali affir-  
tur, eius tamen definitionem non ingreditur, quod genus, vt Ari-  
ſtoteles (t) docet, extra rationem differentię ſit. Cùm ergò ens,  
de modis intrinſecis, quibus ad inferiora ſibi ſubiectā, proximè  
reſtringitur, & contrahitur, dici quidditatiuè nequeat, (vel ea de  
cauſa, quod quemadmodum de ratione generis, non ſit differen-  
tia, ſic nec de eius, quod contrahitur & limitatur natura, id quod  
contrahit & limitat) ſit, vt formalitatis nomen, ſi hac ſecunda ac-  
ceptione ſumatur, modi illi tueri non poſſint. Idem iudicium de  
paſſionibus entis eſſet (quod vt (u) Ariſtoteles ſcriptum reliquit,  
ſubiectum, vt additamentum quoddam, paſſiones ſuas definiat,  
quod autem eiufmodi eſt, quidditatiuè de re definita, non prædi-  
catur) niſi ſaltem realitates obiectiue dici poſſent, qua de cauſa,  
adhuc formalitates hoc ſecundo modo nuncupantur. Eadem ra-  
tione vltimę differentię (cùm in nullo prorsus conueniant, quod  
quidditatiuè de ipsis dici poſſit, cùm ſint primò diuerſę) ab hac  
formalitatis ſignificatione, excluderentur; niſi illis hoc patroci-  
naretur, quod ſaltem aliquid ſit entis; nam etiam ad id ſignifican-  
dum, formalitatis nomen, hoc ſecundo modo acceptum, poteſt  
adhiberi, modis autem intrinſecis, tribui prorsus (x) nequit. Atq;  
hoc pacto, formalitas, cum realitate obiectiua (y) reciprocatur,  
ſic, vt quicquid formalitas ſit, realitas etiam obiectiua cenſeatur,  
quamuis non contra. Continet tamen adhuc ſub ſe quidditatem.  
Igitur, quando breuiter ſummatimque rem vniuerſam exponunt,  
formalitatem de qua ſermo eſt, cùm de diſtinctione formali diſ-  
putatur, quamcunque (z) notionem rationemue eſſe volunt, ſub  
qua, ex rei natura, intelligi aliquid & comprehendì poſſit. Quod  
ſi inferas, etiam modos intrinſecos, in hac notione contineri, qui  
tamen paulò ſuperiùs, ab hac formalitatis acceptione, fuerant re-  
iecti, reſpondent (a) glosſographi, hoc eſſe conſiderandum.  
*Sextò. (b)* Tandem, quam maximè ſumi propriè hoc verbum  
autumant, cum ijs accommodatur, quę vel de aliquibus quiddi-  
tatiuè enunciantur, vel certè ſunt talia, vt de ipsis aliquid quiddi-  
tatiuè prædicetur. Atque hoc pacto, longè minùs ſe extendit for-  
malitas, quàm realitas obiectiua; conuertitur tamen cum quiddi-  
tate. Et quamuis differentias indiuiduantes, primo vel ſecundo  
modo, formalitates appellare liceat, hoc tamen tertio, minimè id  
permit-



permittitur. (c) Cùm autem multis rationibus, aliquid *quidditatiuè* <sup>e idem ibidem.</sup> enunciari seu prædicari de alio possit, tum id præcisè hoc in loco, & Ant. Tromb. tract. Formal. p. 2. art. 2. quod in quid, id est, per modum essentia, atque per se stantis dicitur. Quod ut percipiatur, aduertendum est; magno inter se discrimine, hæc esse separata, iuxta Scotistas, ad quidditatem *constitu-*  
*tiuè*, & ad eandem *prædicatiuè* aliquid pertinere, cùm fieri possit, ut priore modo ad quidditatem attineat aliquid, quod tamen ad eandem posteriore illo nihil spectet. Specifica enim differentia, quidditatem constituit illa quidem, tamen ut quidditatiuè prædicetur, haud est idonea, cùm hoc illorum sit solum proprium, quæ non quemadmodum adiacens quid, & denominans, sed instar essentia, aut per se stantis, seu subsistentis, apta sunt prædicari, quod à specificis differentiis, valde est alienum, cùm similiter de alijs dicantur, ut si formæ informantes & denominans quid essent, non verò per se subsistens quippiam. Ex quo etiam fit, ut quia actus essentialis rei, ut (d) Aristoteles notauit, qualitas quædam <sup>d 5. metaphys. t. 19.</sup> nuncupatur, differentia quoque (quæ talis est actus) in quali prædicetur. Ideoque, licet quidditatem constituat, per modum tamen quidditatis, de alio non pronunciatur. Ex quibus perspicuum etiam est, aliud *rationem quidditatiuam* tantum esse; aliud *quidditatuam & formalem* simul. Illa enim est, quæ vel de aliquo in quid dicitur, vel in quo aliquid quidditatiuè includitur, hoc pacto, ut non simul etiam aliquid contineat, quod prædicetur in quali. Sic conceptus entis quidditatiuus est, quod nullam rationem in se complectatur, quæ qualitatem indicet. Ratio autem quidditatuam & formalis simul, ex conceptu, qui prædicetur in quid, & alio, qui dicatur in quali, componitur, idcirco tantum speciei ratio est, siue subalterna sit ea, siue infima. In promptu igitur est, quid sit quidditatiuè prædicari de alio, vel alterius in se quidditatuam prædicationem suscipere; quid item tertio modo sumpta formalitas, quæ antequam perciperemus, omnibus istis mysterijs eramus initiandi.

*Septimò.* Ea vox nunc explicanda est, ex (e) Scotistis, quam tertio loco proposueramus, nempe *formaliter*, quæ & ipsa variè vsurpatur, his tamen præcipuè modis. Quandoque illud aliquid formaliter esse dicitur, quod est per formam sibi essentialem. Nonnunquam id, quod est per formam accidentariam; interdum id,

<sup>e Anto. Sircf. 2. p. ar. 3. Not. 2. Alexan. Achilinus de distin. cap. 22.</sup>

quod est per formam intentionalem. Primo modo, homo per suam formam, formaliter rationalis & viuens est; secundo vero, per albedinem formaliter albus; tertio, formaliter vel videns vel intelligens per species. Quæ omnia ex prædicationum formalium distinctione & varietate, quæ à Scotistis adfertur, melius percipientur.

*f* idem Anton.  
ibidem. Not 3.  
& deinceps. &  
Ant. Tromb.

*Offaud.* Igitur, (*f*) duo prædicationum formalium genera referunt. Primum est quidditativum, ad quod ea pertinent, quæ primo modo per se prædicantur, cuiusmodi sunt; primò, superiora eorum respectu, quæ illis per se subiiciuntur. Sic ens de Deo, & creatura prædicatur, genus de specie; hæc de individuo. Secundò, ea, quæ cum prædicentur in quale, sunt tamen ei cui attribuuntur intrinseca. Sic differentia, de definito dicitur. Tertiò, quæ perfectam & intimam rationem eius, de quo asseruntur continent. Sic definitio, definiti respectu, affecta est. Quartò tandem, hoc modo, etiam idem de seipso, enunciat. *Nonò.* Secundum (*g*) genus prædicationum, ex ijs constare asserunt, quæ quidem formales sunt, sed tamen denominatiuæ. Atque ad hanc prædicationis formam, reuocatur; primò, differentia affirmatio, de eo genere, quo cum, ipsa certam speciem constituere idonea est. Sic se rationale habet, ad animal. Secundò, propria passionis, de suo subiecto prædicatio, qui (*h*) Aristot. secundus modus est, dicendi per se. Tertiò, ea enunciatio, qua effectus formalis, denominatiuè de aliquo dicitur, sic tamen, vt ipsamet causa formalis, interueniat; vel etiam illud pronunciatum, in quo effectus cum ea causa coniungitur, à qua proximè est ortus. Atque is, quartus est modus per se, eorum, quos (*i*) Aristoteles numerauit. Sic hominem iugulatum interijisse dicimus, & cygnum per albedinem album esse. Quartò denique, huc ea pertinent, quæ tanquam accidens, de suo subiecto affirmantur, quod quidem tot modis potest euenire, quot accidentium genera numerantur à philosophis. Atqui cum multis varijsq; modis, formaliter quippiam dicatur de alio, maximè tamen id, quod prioribus tribus modis, quos superiore propositione posui.

*g* iidem ibidem.

*h* 1. post. c. 4.

*i* ibidem.

*k* Petrus Tarrag.  
1. dist. 2. q. 7.

*Decundò.* Nunc igitur, eadem (*k*) formaliter sunt, quorum vnum aliud in sua

*sua ratione formali (sive quidditativa ea sit solum, sive quidditativa & for- malis simul &c.) & in primo modo per se, includit.* Hoc enim ex Scoto primo sent: (1) colligi contendunt, quo in loco sic ait, voco autem identitatem formalem, ubi illud quod dicitur sic idem, includit illud, cui sic est idem, in sua ratione formali, & primo modo per se; quæ quidem verba, quamvis quidam (m) Scotistæ, sic explicent, ut præceptoris mentem esse velint, inferius, formaliter idem esse superiori; alij tamen, hanc dementiam, (sic enim eam (n) appellant) magistro tribui, indignissimè ferunt, neque hi sine causa commoti videntur, cum inferius superiori planè accidat, proindeque de ipsius essentia minimè sit, cum tamen ex Doctoris (o) subtilis sententia, quicquid idem alicui formaliter est, de ipsius essentia sit, necesse est.

*Vndecimò.* Sed tamen, ut exponatur, quonam pacto inferius superiori idem formaliter sit, quod Scotus ijs verbis (*ubi illud quod dicitur sic idem*) apertius asserit, quàm ut negari à quoquam possit, duplicem identitatem formalem eius discipuli (p) sunt servati. *Mutuan vnam, nonmutuan alteram.* Prior inter illa versatur, quorum vnum hac ratione idem formaliter est alteri, ut ipsum vicissim, sit idem formaliter illi. Sic homo, & animal rationale, formaliter eadem sunt; ut enim animal rationale, idem est formaliter cum homine, ita & homo, idem cum animali rationali. Atque horum quodque, alteri, per identitatem propriam, sibi formaliter inhærentem, idem est. Posterior autem identitas, inter illa spectatur, quorum vnum, iccirco idem formaliter est alteri, quia alterum est idem formaliter ipsi, ad eum fermè modum, quo Aristoteles 5. (q) metaphys. ait, quædam esse ad aliquid, quod alia sint ad ipsa, id est, non quod ipsa in se, relationem aliquam habeant, sed relationem aliorum ad se terminent; unde etiam ipsa, quodammodo terminatiue referri dici possunt. Simili igitur ratione, aliquid est idem formaliter alicui, tantum terminatiue: & aliquid est idem formaliter alicui, identitate formali, sibi formaliter inhærente. Primo igitur modo, inferius idem formaliter cum superiori; secundo, superius idem esse cum inferiori censendum est: superius enim inferioris essentiam constituit, cum tamen hoc, ad ipsius essentiam & naturam nihil pertineat. Quod igitur ex allata Scoti definitione, colligere licebit,

Anton. Tromb.  
Anton. Sirci.  
loco citato.  
1. dist. 2. q. 4.

m Ant. Sirci,  
loco citato.

n Ant. Tromb.  
2. p. tract. for-  
mal. art. 3. in de-  
clarat. vnitatis.  
o 4. dist. 12. q. 1.  
& 7. metaph. q. 1.

p Pet. Tartaret.  
1. dist. 2. q. 7.  
Anton. Tromb.  
vbi antea.

q t. 20. c. 14.

licebit, hoc duntaxat erit. Id quod aliud in sua definitione, primoque modo per se includit, formaliter quidem cum illo idem esse, non mutuò tamen, sed tantummodo terminatiuè. Quid autem impedit, quo minus id, quod hoc modo solum idem alteri est formaliter, adhuc tamen ab illo formaliter sit distinctum, quod idem identitate formali, & sibi inhærente dicitur? Atque ex his perspicuum est, differentias essentielles, quæcunque prædicata quidditatiua & superiora, eadem formaliter esse cum ijs, quæ per illa constituuntur, non tamen vicissim.

**Petrus Tartar.**  
loco citato.  
**Anton. Sirecti**  
concl. 2.  
*Duodecimo.* Ex his, quænam formaliter distinguuntur, colligi volunt. *Quæcunq; enim diuersas formalitates (r) habent, quarum vna in alia, & per se primo modo, non includatur, illa formaliter distincta erunt, sin secus contingat minime.* Sic igitur subiectum propriaq; passio distinguuntur; eaque vniuersa, quæ sub diuersis membris diuidentibus, alicuius prædicati communis, comprehenduntur, quin etiam illa ipsa membra, in quæ aliquid immediatè distribuitur; superiora tamen, ab ijs in quorum formali definitione sunt inclusa, formaliter distincta esse, non dicuntur.

**idem art. 3.**  
princip. p. 1. &  
**Tromb. ibidem**  
& alij.

*Decimo tertio. (r) Datis extremis positiuis, hanc distinctionem, inquirendam docent, hoc pacto. I. Quorumcunq; vnam non est, de conceptu quidditatiuo alterius, illa formaliter diuersa sunt. II. Quæcunque sic habent, distinctas definitiones, vt earum vna, in alia non comprehendatur, formaliter etiam distincta erunt. Nec verò sine causa adiungitur, (vt non vna, comprehendatur in alia) certum est enim, inquiunt, hominem & animal, formaliter idem esse (quamuis non adæquatè & mutuò) cum tamen distinctis definitionibus explicentur, sed id propterea accidit, quod earum vna, in alia comprehendatur, animalis enim definitio, in hominis quoque definitione continetur. Ex quo efficitur, illa, ex hac præceptione, distincta formaliter iudicanda, quorum definitiones, sic sunt à se inuicem discrepantes, vt vna alteri nec secundum partem, nec secundum se totam, seu adæquatè conueniat. III. Quorumcunq; descriptiones diuersæ sunt, & illa sunt diuersa formaliter. Per descriptionem autem intelligunt, rei, per genus, & affectionem aliquam propriam, explicationem. Quorum enim proprietates diuersæ & oppositæ sunt, illorum necesse est, & diuersas formales esse rationes, cum ex his, illæ promanent. IV. Si quæ sint, de quorum vno, demonstrari aliquid poteris, quod non item de altero,*



*altero, formaliter distincta erunt. Etenim, cum passionēs effectus quidam sint, subiecti, in eoque causam habeant internam, quæ itidem subiecti sit essentialis forma, si affectiones illæ, disparatæ fuerint & repugnantes, & rationes formales subiectorum, non erunt eadem, non quidem, quasi affectus istos, ex eiusmodi subiectis natos, in eodem esse repugnet, sed, quod ex iisdem subiectorum formis, non oriantur, nec possit id, quod vnus principium asseritur, etiam alterius causa & origo nuncupari. V. Si quippiam alicui cum aliqua voce reduplicante, qualis est hæc, quatenus, vel qua ratione, qua &c. attribuitur, quod alteri attribui nequeat, tum formaliter illa etiam distincta putanda sunt. Itaque, cum animal quæ animal, sentiat, lapis non, formaliter different; quorum omnium fundamentum, ex Scotistis, est, hæc in animo nostro, diuersas notiones postulare; at, nisi in rebus ipsis, distinctionem & varietatem aliquam haberent, intellectuum etiam & conceptionum, nullam requirerent diuersitatem; non enim potentia producit obiectum, sed illud, tanquam mensuram quandam, consequitur.*

## D E D I S T I N C T I O N E

### R E A L I.

De hac distinctione, ex Scotistis, hæc sunt notanda. *Primò*, quemadmodum formalitas, à forma deriuatur; ita realitas, à re. Res, quod attinet ad hanc tractationem, (u) triplex est; vna, essentialis; quæ nihil est aliud, quàm ipsamet cuiusque rei, absolutè considerata quidditas, ac natura. Secunda, existentis; qualem in omni categoria, inuenias. Tertia, subsistentis; quæ prædicamenti substantiæ limites, non egreditur. Nobis in præsentī, de re secundo & tertio modo spectata, sermo est; cum ex diuersitate quidditatum, ac naturarum præcisè, distinctio realis non rectè colligatur, vt ex ijs quæ dicuntur, manifestum fiet, quemadmodum nec ex vnitatis identitateue essentialis ac naturæ, realis identitas, quocunque modo, concluditur; cum in diuinis realis distinctio sit, & tamen vna eademque res essentialis.

*Secundò*. Vnam (x) igitur eandemque rem, illa efficiunt, quæcunque tantam inter se connexionem habent, vt nulla vi, nullaque potestate, ne quidem diuina, ab inuicem separari ac diuelli possint.

Anto. Siret.  
2. parte, art. 4.  
Not. 2.

x idem ibidem.  
conc. 1. & Ant.  
Trombet. 2. p.  
art. 4. conc. 1.  
Petr Tartaretus  
vbiantea,

In quo tamén inprimis considerandum venit, an tanta illa separa-  
tionis difficultas ac repugnantia, ex ipsismet rerum naturis, an ve-  
rò potius ab aliquo externo oriatur; hoc enim si fiat, nihil quan-  
doque obstabit, quo minus aliqua sciungi nequeant, quæ tamen  
res vna eademque non sint, imò aliquando diuersissimæ; idèò ni-  
mirum, quia tantam coniunctionem, suâ naturâ, ipsa non postu-  
lant, quamuis ob aliam causam, dirimi non possint; ex quo fit, vt  
licet cælum eiusque motus, (quæ tamen res sunt distinctæ) si Ari-  
stotelem audiamus, non possint dissociari, ea tamen natura cœli  
non est, sed idèò id euenit, quod angelus ocij & quietis impatiens,  
ab eius motu, nunquam cessare valeat. Deinde verò attendendum,  
num fortè vnum ab alio, necessariò dependeat, hinc enim effici-  
tur, vt quamuis compositum res sit, à partibus diuersa, ab ijs ta-  
men, distrahi se, non patiatur, èò, quod ex partibus, necessariò  
constet. Si item aliqua in diuersis subiectis, re distinctis, existant;  
nihil quoque prohibebit, quo minus & ipsa, re distinguantur, &  
tamen nonnunquam, vnum sine alio, esse non possit, vt duabus  
relationibus, quarum vna in patre est, alia, in filio, manifestè cer-  
nitur. In eodem igitur subiecto sint, necesse est, illa, ex quorum  
indissolubili societate, realis identitas, concludenda est.

ijdeibidem.

Ex (j) his consequitur. *Primò*. Omnia attributa diuina, eadem  
esse realiter, & inter se, & cum essentia, & cum personis, & has cum  
diuina essentia. *Secundò*. Omnes differentias essentielles, modosque  
intrinsecos, in eodem supposito, eandem rem constituere. Nec su-  
perius ab inferiori, secundum rem distingui. *Tertiò*, illa quæ sunt  
in potentia obiectiua, nec distingui, nec eadem realiter esse. Ad  
identitatem etenim, & distinctionem realem, vtrumque extremo-  
rum, verè in rerù natura reperiri necessariù est; vnde quidditates,  
quod supra monui, nec realiter distinctæ sunt, nec realiter eadem,  
cum ex se, nullâ realitatè, nec existentia nec subsistentia, possint.

*Quartò*, quod notandum erat, est; distinctionem realem, ex his,  
facile colligi. (z.) Etenim, ea diuersæ res æstimabuntur, quæcun-  
que sic sese habebunt, vt, vel vnum sine alio esse possit; vel, vnum  
producat ab altero; vel tandem, sint in pluribus subiectis, re  
distinctis. Hinc, & totum essenziale & partes, & res (a) diuersorum  
generum, actu existentes, itemque indiuidua, tam eiusdem spe-  
ciei, quam diuersarum eiusdem Categoriae, actu cohærentia in  
mundo;

Ant. Sirecti.  
vbi sup. conc. 2.  
& Tromb. ibidè  
Petrus Tartaret.  
vbi antea.

Anto. Sirecti  
coroll. 2.

mundo; materia etiam & forma, tres personæ diuinæ, omnia inquam hæc, re distinguuntur. Neque in diuinis personis, quicquam impedit, vnā sine alia esse non posse, hoc etenim, non nisi ex vnitatis essentiæ proficiscitur.

*Quintò.* Distinctionem realem, sic cognoscendam. (b) *Quod al-*  
*terius est origo, re ab illo diuersum est. Secundò, si quæ sint, quorum vnum*  
*generatur, altero non generato, re distinguuntur. Tertiò, ea quorum vnum*  
*permanet, altero sublato, res distinctæ erunt. Quartò, quod potest separatim*  
*ab aliquo existerre, vel subsistere, re etiam ab illo differens erit.*

*b* Ant. Siresti,  
art. 3. princ. p. 1.  
Tromb. ibidem

#### DE DISTINCTIONE ESSENTIALI.

Vt meliùs hic progrediamur. *Primò*, duplex dependentia seu ordo, cum Scotistis, est tenendus. (c) Vnus essentialis simpliciter; alter secundum quid. Prior, inter illa dicitur esse, quorum alterū, ea ratione, ab altero pendet, vt secus fieri prorsus nō possit. Posterior, in illis reperitur, quæ quamuis vt à se inuicem nō pendeant, naturæ viribus effici nequeat, diuina tamē virtute id potest. Prioris modi, est creaturæ, Dei respectu, itemque compositi, à suis partibus, dependentia; secundi verò, accidentis, saltem cuiusdam, à subiecto.

*c* Anto. Siresti  
p. 2. art. 5. Not. 1.  
Tromb. ibidem

*Secundò.* Vt autem duplex est, ordinis, siue dependentiæ essentialis, vsurpatio, apud eosdem autores; sic & identitatis essentialis. (d) Vno enim modo, pro ea identitate accipitur, qua aliqua vni eisdemque singulari essentiæ, eadē esse intelliguntur, atque hoc pacto, inter identitatem essentialē ac realem, nihil est discriminis, nisi in diuinis. Quāuis enim tres diuinæ personæ, vna eademque res sint, cum ipsa diuina, eaque simplicissima & indiuidua essentia, ac proinde essentialiter eadem, nō tamen realiter, rectē eadē appellarentur. In rebus tamē creatis, illa duo, ita sunt cōnexa, vt quæcunque eadē sint essentialiter, etiā in vnā eandemque rem incident; Altero modo, essentialis identitas, pro ea sumitur, qua illa eadē essentialiter esse dicuntur, quæ re intrinsecè cōstituunt, vt materia & forma se habent.

*d* idē ibidem.  
Not. 2.

*Tertiò*, igitur, illa vniuersa, essentialiter (e) eadē nominant, quæ vni eisdemque essentiæ singulari, eadē sunt. Vel etiā ea, quæ ad essentiā alicuius intrinsecè pertinent. (f) Quæcunque verò diuersas naturas, siue essentias realiter distinctas habent, vel, quæ non concurrunt, ad intrinsecā alicuius rationem, essentialiter distingui opinantur.

*e* idē ibidem.  
concl. 2.  
Tart. vbi supra.  
*f* idē ibidem.  
conc. 2.  
Tart. vbi antea.

*Quartò.* Distinctionem hanc sic cognosci posse censent. *Primò*, (g) *qua vel diuersis generationibus generantur: Secundò, vel diuersis cor-*

*g* Ant. Sir art. 3.  
princip p. 1.  
Tromb. ibidem

*ruptionibus corrumpuntur. Tertiò, vel ab inuicem separantur, essentialiter sunt distincta. Quartò, item ea, quorum vnum dependet ab altero. Quamuis eorum (b) aliqui, ex sola separatione mutua, de essentialiter distinctis, iudicent.*

b Stèph. Burl.  
in Epi. formal.  
p. 1.  
Maurici<sup>o</sup> in Epi.  
formal.

## *DE DISTINCTIONE, 2<sup>VA</sup> tota subiectiue distinguuntur.*

*Primò.* Ad hanc distinctionem percipiendam, meminisse oportet, quòd antea monuimus, cum de distinctione formali egimus, duplicem realitatem esse, vnã obiectiuam, alteram subiectiuam; neque prætereundum est, cuilibet conceptui communi, eidemq; reali, duplicem correspondere (i) realitatem, vnã quidem in se, aliam verò in suis singularibus; harum primà, neque existentiam, neque eorum quicquam, quæ hanc connotant, requirit. Secunda, & existentiam in actu, & vniuersa, quæ ipsam concomitantur, postulat, vt supposita seu indiuidua.

i Ant. Sir. p. 2.  
art. 6.  
Anton. Tromb.  
ibidem.

*Secundò* Non ignorandum etiam, harum realitatum, quæ obiectiuæ nuncupantur, à Scotistis, quasdam aptas esse, vt cum ipsæ alioquin, ad quamplurima sese extendunt, per aliam nonnihil contrahantur; quasdam verò tales non esse. Ad priores, genera omnia, siue ea generalissima sint, siue subalterna, imò etiam species infimæ pertinent, cum eius sint conditionis, vt per alias quasdam, à se, quadam ratione distinctas realitates, restringi aliquantum se patiantur; genera quidem, per differentias communiores; species, per indiuiduas, vt Scoto, 2. sent. & alibi sæpius placet. Ad secundi generis realitates, omnia transcendentia, communia Deo & creaturis referuntur, quod non vti cætera, contractiones vllas, & determinaciones, per realitates nouas admittant, sed præcisè, per intrinsecos quosdam modos, restringantur, quibus distinctam realitatem, ab ea, cuius sunt modi, concedendam pernegant.

*Tertiò.* His igitur hunc in modum præmissis, duplex se offert, explicandæ distinctionis subiectiuæ ratio; neq; enim eam omnes similiter defendunt. Aliqui igitur, illa eadem subiectiue esse censent, quæ quidditatiue in aliqua realitate conueniunt, quæ sit idonea,



nea, vt per realitatem distinctam, alicuius differentiæ, determinetur ac contrahatur; illa verò contrà, se totis subiectiue iudicantur distingui, quæ hanc legem non subeunt. Ex quo hæc consequuntur. *Primò*. Quæcunque idem genus quidditatiue continent, illa se totis subiectiue eadem esse. *Secundò*. Omnes Categorias, itemque DEVM & Creaturas, se totis subiectiue distingui, quamuis enim illa omnia in ente conueniant, non tamen illud est tale, vt per nouam realitatem, possit ad inferiora illa, sibi que subiecta, restringi. *Tertiò*, Personas diuinas, se totis subiectiue diuersas esse; &, quod nec in vllò sint genere; &, quod realitas omnis eis aduersetur, quæ sit in potentia, ad aliam per quam limitetur, & contrahatur, cum tales personæ, sint saltem identicè infinitæ, eius essentia ratione, quam intimè includunt.

*Quartò* Alij rem ita expediunt. Illa dicuntur eadem subiectiue, quorum realitates, in eodem se ferunt, vel per modum identitatis, hoc pacto, vt vna res cum illo efficiantur; vel per modum informantis, vel apti etiam vt informetur. Illa se totis subiectiue distinguuntur, quorum realitates, in eodem numero, aliquo prædictorum modorum, se simul non tolerant. Atque ex hoc explicandi modo sequitur. *Primò*, hoc Corollarium. Omnia quæ in diuinis sunt, eadem subiectiue esse. *Secundò*, vniuersa, quæ in indiuiduo reperiuntur; eadem subiectiue dicenda. *Tertiò*, Duo indiuidua, eiusdem speciei, maximè de prædicamento substantiæ, & alterius etiam speciei completæ, eiusdemet substantiæ prædicamenti, se totis subiectiue distingui. *Quartò*, duo contraria, præsertim in gradibus intensis; duo item relatiue opposita, maximè de secundo relatiuorum genere, similiter differentias essentialiter diuidentes ipsum genus, se totis subiectiue diuersa esse. Regula autem huius distinctionis est. *Quæ actu secundum esse, vel existentia, vel subsistentia, separantur; se totis subiectiue distinguuntur.*

## D E D I S T I N C T I O N E, Q V A tota obiectiue distinguuntur.

Restat, vt, quid Scotistæ, de vltimæ distinctionis suæ forma commententur, audiamus. (k) Illa igitur eadem obiectiue existimanda sunt, de quibus prædicatum aliquod, siue illud intra

k Ant. Sireti,  
P. 2. art. 7.  
Tröb. ibidem.

certum aliquod genus sit comprehensum, siue omnia transcendat, quidditatiuè enunciari possit; quorum verò opposita erit ratio, illa obiectiuè etiam distincta erunt. Ex quo infertur. *Primò*. Deum & creaturas, decem summa rerù genera, eò, quod ijs communis quædam notio, eaque realis entis correspondeat, quæ quidditatiuè de ipsis prædicetur, se totis obiectiuè eadem esse. *Secundò*, passionis entis, & ab ipso ente. & à se inuicem, se totis obiectiuè differre, quod ijs planè aduersetur, quippiam quidditatiuè de se enunciari. *Tertiò*, differentias vltimas, & ad summam, illa omnia, quæ primò diuersa sunt, se totis obiectiuè distingui, quod nihil de ipsis, quidditatiuè enunciari possit, vel hoc ipso, quod sint primò diuersa. Regula. *Quæ in nullo quidditatiuè conueniunt, se totis obiectiuè distincta sunt.*

## D E D I S T I N C T I O N I B V S T H O M I S T A R V M.

In hac tanta Scotisticarum distinctionum multitudine, paucitatem, rerum naturis conuenientiore, Thomistæ adamarunt; quamuis nec ipsi vsque adeò conueniant, dum alij binario, omnes distinctiones comprehendunt; Alij ternario, qui rationis distinctionem, in duo membra diuidunt; Alij quaternario, qui & distinctionis realis, & rationis, duas species tandem fatentur. Inter primos est Soto, (a) qui contendit, ante natum Scotum, & apud S. Thomam; & omnes omnium temporum philosophos, duarum tantum distinctionum fuisse mentionem; rationis, & realis; additque, animalitatem & rationalitatem, distingui ratione, quemadmodum Petrus à Petro, quatenus vt idem sibi intelligitur, id est, quantum colligere licet, ratione ratiocinante. Et distinctio-

a q. 3. de vniuersi. art. 2.

b cap. de prop. q. 2. conc. 2.

c 1. d. 8. q. 4. conclus. 2. & 4. præcipuè ad 16. primo loco positum. d. de ente & essent. q. 12.

e 1. p. q. 28. art. 2. dub. 3.

nem (b) propriæ passionis à subiecto, non formalem, vt Scotistæ, sed reale appellat, additque, difficilè admodum captu esse, aliqua ex rei natura, non tamen realiter distingui, miraturque, ante Scotum, illam formalem distinctionem, nullum philosophum, aduertere potuisse. Inter secundos, est (c) Capreolus & (d) Caietanus. Ad tertios, Dom. (e) Bannes accedit, qui, quid hac in re sentiat, & doctè, & perspicuè, & satis breuiter explicat, hunc in modum.

*Primò.*

*Primò.* Multiplicem esse distinctionem ait. Realem nempe, rationis ratiocinantis, & ratiocinatæ. Realem illam appellat, quæ est inter rem & rem. Rationis ratiocinantis, eam, quæ nascitur ab intellectu. Rationis ratiocinatæ verò, illam vocat, quæ actualiter fit, per intellectus actionem, qui vnam eandemque rem, diuersis conceptionibus, formaliter reale quippiam significantibus, apprehendit, ita, vt fundamentum huiusmodi distinctionis cõceptuum, sit in re ipsa proximum. Atque hoc pacto; homo, animal, viuens, & rationale, distinguuntur.

*Secundò.* His formalem adiungit, quam inter ea dicit inueniri, quæ materialiter quidem idem sunt, sed tamen definitiones habent diuersas, qua ratione, actio & passio distinguuntur, cum vnus sint, idemq; motus.

*Tertiò.* Distinctionem rationis ratiocinatæ, diuidi posse vult, in distinctionem rationis ratiocinatæ, quæ fundamentum habet in re, metaphysicè composita, ex esse & essentia, vel ex genere & differentia; & in distinctionem, quæ habet fundamentum in re simplicissima, neq; amplius ex esse, & essentia composita, vt est Deus opt. max. atque hanc distinctionem, ait, Caietanum formalem nõ formaliter, sed eminenter & virtualiter, appellare consueuisse.

*Quartò.* Si quis autem eum percontetur, sitne ante omnem creaturæ mentis actionem, inter diuinæ attributa, solùm virtute, & vt in fundamento, an verò actu etiam, rationis distinctio concedenda? Respondet; esse (f) quosdam, qui eam inter illa, sufficienter dimanare arbitrentur, ex eo, quod Deus, essentiam suam, vt sufficiens & idoneum fundamentum, diuersorum conceptuum, qui in creato intellectu esse possint, ab æterno cognoscat; quam sententiam, & probabilem esse ait, & Caietano non displicere; velle tamen Capreolum, actualem rationis distinctionem, diuinis attributis, non competere, nisi actu diuersorum intellectus creati conceptuum, sint termini; eamque opinionem, alijs magis arridere dicit, eò, quod non sufficiat, ad hoc, vt aliqua actu distinguantur ratione, ea, tanquam fundamenta, diuersarum notionum concipi, cum talis cognitio, actu duo extrema, non constituat, sed solum vnũ idemq; consideret, tanquã aptum, quod duorũ extremorum rationem, in mente creata obtineat. Ergo, inquit, vt diuinæ attributa, actu distinguantur ratione, necesse est, vt diuersos conceptus terminent, quod diuini intellectus respectu, esse nõ potest.

f Petrus de Palude, apud Capreol. 1. dist. 8. q. 4. in respons. ad 6. Scoti, contra 1. pag. 238. col. 2. in fine. impress. Vent. 1589.

# DISPUTATIONIS, DE DISTINCTIONIBVS PHILOSOPHORVM, PARS ALTERA.



ESTAT nunc, vt quot distinctiones, & quænam admittendæ sint, & quo pacto, doceatur; atque ex ijs, quæ hæcenus sunt dicta, seligantur ea, quæ ad rem nostram faciunt, cæteris, quantum necesse est, & instituti huius ratio permittit, refutatis.

## DE DISTINCTIONVM NUMERO.

Vniuersas igitur distinctionum formas, ad quatuor omninò reducimus, quarum *primam*, simpliciter rationis appellamus; *alteram*, rationis ratiocinatæ; *terciam*, realem; *quartam deniq;*, formalem. Quid enim necesse est, pluribus distinctionibus, ea omnia obscurare, quibus paucioribus lumen maximum adferre possis? Neque vlla est causa, cur Scotistæ, distinctionem ex natura rei, & formalem, diuersas numerent, cum vna omninò, eademque sint. Quis enim non videt, quod si quæ sit, ex natura rei, inter aliqua distinctio, eam necessariò ex formali quadam ratione, nasci debere, quæ ita verè in vno sit, præter omnem nostram intellectionem, vt in alio, eadem verè non reperiatur? hoc autem ipsum, est formaliter distinguere. Atque hoc tandem, non solum Scotistarum (i) aliqui fatentur, verumetiam, pluribus rationibus, & Scoti ipsius dictis, confirmare, & ostendere conantur. Distinctio autem essentialis, vel erit formalis nostra, si verbis Scotistarum, mens & sententia correspondeat, vel certè realis, quando ea distinguunt essentialiter, quæ (k) separatim possunt existere, quod nos ijs tribuimus, quæ realiter sunt diuersa. Si quæ verò, se totis subiectiue, vel se totis obiectiue distincta sunt, vel formaliter vel realiter, vel certè vtroque modo, à nobis differre dicuntur; etenim si quæ sint in diuersis categorijs constituta, & tamen ita cohærescant, vt à se mutuo seiungi nequeant, formaliter solum, sin separari poterunt, & realiter & formaliter, erunt diuersa. Quod si eiusdem quidem fuerint

¶ Steph. Burl. in  
Epit. form. p. 2.

¶ idem ubi ante.  
parte 1. &  
Maurit. in Epit.  
formal.



rint naturæ, in distinctis tamen indiuiduis, realem quidem distinctionem admittent, formalem non item.

## DE DISTINCTIONE, RATIONIS RATIOCINANTIS.

Quid distinctio rationis ratiocinantis sit, rectè docent Scotistæ; Vide Ant. Tröb. tractat. formal. p. 2. art. 1.  
Est enim verè, vnus ab alio, vel etiam à seipso, per aliquod ens rationis, diuersitas. Hac igitur, res quæuis apprehensa, ab alia non apprehensa, vel etiam à seipsa, quatenus non apprehensa, differt. Præterquam autem, quod hæc definitio, colligi possit, ex ea descriptione, quam supra attulimus, cum, quid distinctio sit, diximus; si ea negaretur à quopiam, sine magno negotio, probari & demonstrari posset. Cum enim res, si ens rationis ei accadat, aliquid habeat, quod alia, vel etiam ipsamet, simpliciter considerata, sibi non vendicet, efficitur omninò, eam, vel à seipsa, vel etiam ab alia, differentem esse; & certè, non per vllum reale discrimen, ergò, per aliquod, ab intelligentia nostra, vel alia quapiam apprehendendi, vel cognoscendi facultate, profectum. Regulas etiam, de hac distinctione cognoscenda, quas ex iisdem autoribus, supra posuimus, vt optimas, & certissimas, agnoscimus.

## DE DISTINCTIONE, RATIONIS RATIOCINATÆ.

### I.

Distinctionem hanc, D. Thomæ (a) discipuli, rectè defendunt à Capreolus & Caiet. vbi supra. & explicant. Est enim verè, distinctio vnus ac eiusdem simplicis Fons. 5 metaph. naturæ, à seipsa; quatenus eiusmodi est, vt aptè còmodèq; intelligi c. 6. q. 6. sect. 3. ac comprehendi possit, alio atque alio conceptu, qui etiam ipse Videndus D. modo quodam, aliam atq; aliam rem, repræsentet. Vnde meritò, Thom. de veritate, q. 21. art. ad eam cognoscendam, hoc dogma, præcipuè inter cætera prodiderunt; Quæcunq; diuersas cognitiones admittunt, quas tamen 4. ad 4. 1. sent. natura sua non postulant, ratione distincta sunt. dist. 2. q. 1. art. 3.

### II.

Non est autem, quod quisquam in rebus ipsis, hanc distinctionem quærendam existimet. Etenim, cum formalem distinctionem

D

nem

nem eam dicamus, quæ inter diuersas entitates, in rebus reperitur, si & rationis illa differentia, eiusmodi foret, quodnam inter illas discrimen statueretur? Est igitur in re, vna, (b) eaque simplex essentia & natura, quæ distinctionis huius fundamentum nuncupari potest, eò, quod multis, varijsque considerationibus, & animi nostri notionibus sit subiecta, ea ratione, qua id iam fuit explicatum, & melius sequentibus explicabitur. Vt enim menti & intelligentiæ nostræ, ea vis est concessa, vt, quæ verè multa sunt, atq; dispersa in rerum natura, vnire possit, atque modo quodam cogere, eò, quod vnionis illius ratio & fundamentum, in ijs ipsis multis & diuersis cernatur, vt de vniuersalibus solet explicari; ita quemadmodum rectè Auer. (c) aduertit, aptus est animus noster, vt ea, quæ vnita iam sunt, atq; coniuncta secundum esse, diuidat ac separet, quamuis ipsa non diuidantur aut separentur secundum esse.

### III.

In mente (d) autem nostra, dum hoc pacto res inter se discernit atque diiudicat, duplex est distinctio. Vna quidem ipsarum intellectuum, quibus rem non vno eodemque modo, sed multis atque diuersis, percipit: altera ipsiusmet rei, quatenus obijcitur animo. Et quidem, prior illa, si liberiore verbi significatione utamur, realis est, cuius extrema duæ intellectiones sunt, re diuersæ, hæretque in anima, vt distinctio realis quælibet, in eo, cui aduenit, non secus, ac relatio in suo fundamento. Secunda verò, distinctio rationis ratiocinatæ est, cuius extrema (e) res sunt, quæ cognitioni obijciuntur, non tamen ad eum modum spectatæ, quo extra mentem existunt, sed quatenus repræsentatæ sunt animo & comprehensæ. Atque huius distinctionis subiectum, nec res ipsa censenda est, utpote quæ nullam distinctionem ex se habet, neque etiam anima, solum igitur obiectiuè est, cum nihil aliud, quam rationis quidam respectus sit, rei distinctæ, ad se, & ad intellectum distinguentem, nulli vt subiecto adhærescens, quamuis fundamentum huiusmodi postulet, vt de illo, alia atque alia notio, verè conformetur.

### IIII.

Porro, inter hanc distinctionem, & eam, quæ simpliciter rationis appellatur, permagnum sanè discrimen est. Nam distinctionis

nis rationis simpliciter, alterum extremum, ab intelligentia nascitur, dum ea, rei in qua occupatur, rationis aliquid adijcit. quamuis non sine causa & fundamento, aliquando id contingat; in distinctione autem rationis ratiocinatæ, ita comparatum est, vt eius nullum membrum, intellectiōi nostræ, quippiam acceptum referat, cū singulæ in rebus ipsis cohæreant, licet absque omni penitus, ad animum nostrum respectu, non habeantur distincta; ex quo efficitur, vt distinctionis huius, etiam propinquum fundamentum ex re ipsa petere liceat, verè enim, in Deo v.g. & sapientia, & iustitia, cæteraque sunt.

## V.

Et quanquam entis rationis, fundamentum proximum quoque ipsum, in rerum natura existere posse, negandum non sit, distinctionis tamen rei, per ens rationis (quæ simpliciter est rationis distinctio) propinquum fundamentum, non nisi ab (f) animo erit, *f* Ant. Tromb. qui rationis quiddam, alicui tribuat, quod distinctionis proximum fiat fundamentum; cuius rei, ea ratio reddi potest, quod in *tract. de formal. p. 2. art. 1.* distinctione rationis simpliciter, non duo aliqua aut plura, quæ sint à rebus, considerationi nostræ offerantur, neque vnum quippiam, non totum simul perceptum ac cognitum, vt in altero distinctionis genere contingit, sed res quædam simplex, tota etiam alicui notioni correspondens, quam deinde mens ac intelligentia nostra, à seipsa distinguit, & quodammodo diuersam efficit, per aliquid rationis adiectum.

## VI.

Ergo, distinctionis rationis ratiocinatæ, vtrumque extremum, in rebus est, (g) licet coniunctim & simplici quodam essendi modo, rationis autem simpliciter, minimè, quippe cum huius extrema, ne vnum quidem & simplex sint, in natura, sed alterum ab intellectu proficiscatur. Quin imò, non raro euenit, vt ne remotum quidem fundamentum, in mundo habeat, sed vt ab intellectu procreetur, quod tum accidit, cū v. g. figmentum aliquod, vt à nobis cognitum perceptumque consideramus.

# VII.

*b* i. d. 33. q. 1. Inprimis igitur, hic expèndendum venit, quod sapienter (*b*) D. art. 1. ad 3. Thom: commonet: Rationis verbum, bifariam vsurpari. Ali-  
*Capr. i. d. 3. q. 4.* quando enim, pro eo sumitur, quod in ratiocinante existit, pro  
*in solut. ad 4.* actu scilicet rationis, vel ratiocinandi facultate; aliquando nomen  
*Greg. Cont. 2.* intentionis est, (sive pro definitione, sive pro ratiocinatione, vsur-  
*pag. 243. col. 1.* petur) quæ quidem non in rebus inuenitur, sed in anima tantum, quamuis in ijs, correspondens sibi quippiam habeat. Cum igitur inter DEI attributa, prædicata essentialia, & eius generis res similes, rationis discrimen statuitur, minimè id similiter intelligendum est, atque si differentia hæc, non alia atque alia in re etiam suo modo esset, sed in ratiocinante duntaxat, ideò videlicet, quod in ipsis etiam rebus inuenias, quod rationibus diuersis correspondeat. Atque hinc orta est, illa rationis ratiocinantis, & ratiocinatæ distinctio, vt (*i*) Capreolus quoque testatur.

*i* vbi antea ad 6 Scoti cont. 2. pag. 438. col. 2.

# VIII.

*k* D. Thom 1. Nemo (*k*) autem intellectum nostrum, cum de vna eademque  
*côtra gent c 36.* re, plures notiones, ad eum quem diximus modum format; vel  
*Capreol. i. d. 8.* (1) vanitatis, vel falsitatis, indicta causa condemnet. Vanus enim,  
*q. 4. ad 17.* tum iure diceretur, si nihil in rebus existeret, in quo ipseus actio,  
*Aureol. cont. 2.* distineretur, omniaque chimæ quondam similitudinem con-  
*pag. 247. col. 1.* fectarentur; sed longè se res aliter habet, cum illi veræ naturæ, atque  
*in medio.* essentia proponantur, quæ eius notitiæ respondeant, & sint fun-  
*I Capr. vbi sup.* damenta diuersissimarum comprehensionum, nec vani, nec com-  
*ad 8, Scoti cont.* mentitij quicquam confectantium.  
*1. pag. 239. col. 2.*

# IX.

*m* Capr. vbi sup. Falsitatis autem, tum demum rectè eum argueremus, si notio-  
*conc. 3 pag. 228.* nes illas distinctas, quas habet, res ipsæ repudiarent, quod (*m*) ta-  
*col. 2.* men non contingit; DEVS enim v. g. verissimè iustus est, miseri-  
 cors, sapiens, &c. quemadmodum igitur nihil prohibet, quo mi-  
 nus cum DEO qui purissimus est actus, & maximè simplex, mul-  
 tas ac varias rerum creaturarum formas, quodammodo conseras &  
 compares, ita etiam nihil vetat, quin eidem, quamuis summè sit  
 vnus, diuersos conceptus tribuas, cum mens & intelligentia no-  
 stra, sic variè ac multipliciter eum apprehendit, vt res creatæ mul-  
 tiplicem illum repræsentant.



Nec immeritò etiam, falsitatis insimularetur intellectus, si, quemadmodum rem percipit vt distinctam, ita eidem distinctionem insitam esse pronunciarer, non tamen se hoc crimine vllò pacto obstringit, quod distinctionem, non conditionem quandam, rei adhærentem, sed potius cognitionis suæ, siue rei, quatenus circa eam ipse versatur, modum aliquem iudicer, solum obiectiuè existentem, eò scilicet, quia id, quod vnum est atque simplex in re, varium esse potest, atque distinctum, in (n) animo. Vt igitur, quando vniuersale à singularibus abstrahitur, abstractio est quidem cognitionis modus, quem tamen animus non ipsis rebus, quasi alicubi verè inueniatur, tribuit, neque eam rerum modum esse arbitratur (hic enim cum re, cuius est modus, vt obiectum potentia percipitur, cum tamen modus cognitionis, non apprehendatur, neque obiectum sit, nisi fortè reflexè) sed proprietatem quandam, intellectiōem solam consequentem, vel rem in esse intentionali, non autem reali, sic & rationis distinctio, non rebus simpliciter adiacens quippiam existimatur, sed vel ipsiusmet cognitionis affectio, vel rerum, quatenus à nobis cognoscuntur, conditio.

## X l.

Dictum est autem, neque sine causa, distinctionis huius terminos, fundamentis in rebus ipsis positos inniti, quod verè earum natura sit talis, vt varias atque multiplices notiones ferat, non tamen quales cuique libuerint, sed certas ac determinatas, atque hoc ordine modoque, non autem alio conformatas. Ex quo conijcere licet, quamuis res, distinctionem ex se non postulet, eam tamen hac esse ad distinctionem aptitudine & propensione, quæ exigat, vt si distinguatur, hac ratione id fiat, & non alia. Quocirca tametsi ex natura rei, (o) non magis sapientia & iustitia, in Deo discrepent, quam sapientia & sapientia; tamen sapientia iustitiaque, in ordine ad intellectum considerata dissident, quod multæ notiones differentesque, fieri de ipsis queant, aptaque sint, vt diuersa esse obiectiua, in animo sibi vendicent, quod de sapientia & sapientia, nemo vlla ratione concesserit, neque si in se spectentur, neque si cum intellectiōe nostrâ conferantur, proindeque sapientia & iustitia, ratione ratiocinata diuersa sunt, sapientia & sapientia non sunt, quod doctè est à Capreolo animaduersum.

Capreol. vbi  
antea. ad 2.  
Greg. contra 2.  
pag. 242. col. 2.

Capr. vbi su.  
pra. ad 15. Scoti.  
cont. 1. pag. 240  
col. 2.

## XII.

p vbi sup. conc.  
4. pag. 229.  
col. 1.

Hanc autem distinguendi rationem, ex duobus enatam, (p) idem author asserit; quorum vnum plenitudo est, perfectio atque vnitas rei, à nobis cognitæ, ac perceptæ; quæ talis est, vt perfectio- nes eas, quæ sparsim in ijs, quæ ignobiliora sunt, continentur, vni- co eoquæ simplicissimo actu, complectatur ac vniat. Ex quo hoc consequitur, vt, qui conceptus essent multorum imperfectiorum, sint etiam suo modo vnus, veruntamen perfectioris. Alterum, est exiguum, tardum, ac hebes ingenium nostrum, quod vel non po- test, vel saltem non clarè & perspicuè vniuersum illum perfectio- num cumulum, vnica actione cognoscere, ideò multis pro vna, cogitur uti, vt non absurdè dixerit, idem Capreolus; (q) Deum, à nobis, varijs actibus esse percipiendum, quamuis sine vlla ad res creatas analogia, intelligeretur.

q ad 15. Scoti  
vbi paulò ante.

## XIII.

An gradus generici & specifici, in rebus, hanc distinctionem, an verò maiorem aliquam postulent, dubium est, multi enim, qui attributa diuina, aliaque nonnulla, ratione solum existimant dis- ferre, gradus illos, formaliter distingui contendunt; neque enim necesse est, vt quam vni horum differentiam quis tribuat, eam et- iam alteri continuò concedat; nobis tamen, (vt ex ijs erit manife- stum, quæ de formali distinctione dicemus) maximè in hac re, D. Thomæ sententia probatur; nempè, gradus istos, in re, discrimen nullum agnoscere, nec inter se, neque ab inferioribus; sed eos, vnā eandemque rem simplicem esse, quæ tamen diuersas, ac varias notiones & considerationes, verè admittat.

## XIII.

Atque si hæc opinio, à vero non aberret, fundamentum huius distinctionis, non erit solum, quod quis fortè existimauerit, infi- nita quædam rei perfectio, aut imbecillitas intellectus nostri, qui ea quæ nequit vnica actione comprehendere, concipit ac appre- hendit diuersis; sed quælibet perfectio, ex qua res habet, vt in ipsa, multæ ac variæ rationes, intelligi queant, ita inter se affectæ, vt ea- rum vna, perficientis aliquam rationem obtineat, altera vero rei, quæ talis perfectionis capax sit, quamuis verè ipsæ, vnicum quip-  
piam

piam simplex existant, pro vt idipsum, magis minusue determinatè, percipitur ac cognoscitur à nobis, quod generis ac differentia exémplo, si necesse sit, potest declarari.

#### XV.

Neque vero rectè obijcitur, ex his effici, eandem esse in rebus creatis simplicitatem & puritatem, quæ Deo tribuitur, cui soli, hoc priuilegij concedendum quidem aiunt, vt ex diuersis, à parte rei distinctis, non componatur; proindeque, se iam arbitrantur demonstrasse, gradus genericos, rerum à Deo distinctarum, ab ijs petendos, quæ saltem aliqua ratione, in rebus ipsis, sunt distincta. Quamuis enim quispiam hoc negauerit, permagna sanè nihilo minus adhuc, & varia, Deum inter & res alias discrimina, poterit recensere. Primò enim, nulla penitus est in Deo, ex essentia, & existentia; natura, & supposito; quæ tamen in alijs verè reperitur; compositio. Secundò, nulla sunt in Deo accidentia, sed attributa; quæ à nobis, vt proprietates quædam ipsius, intelliguntur, prorsus & inter se, & cum diuina natura eadem, cum tamen in alijs, accidentia omnia, saltem formaliter, & à se inuicem, & ab essentia, sint diuersa. Tertiò, intellectus noster, DEVM, licet ipse sit simplicissimus, atque purissimus actus, in multas (r) rationes distribuit, vt successione quadam apprehendat, quem ob infinitatem, simul complecti non valet; at in creatis essentijs, nulla est immensitas, & præterea intelligentiæ nostræ, ad eas proportio, seu comparatio. Ideoque, quamuis ex ea cognatione & affinitate, quâ vnâ rem, cum alia videmus deuinctam, genus vtriusque colligamus, & ex alijs differentiam, quæ quidem non rem totam, sub omni perfectione indicant, (quemadmodum & diuina attributa) tamen, vbi eas generis differentiæque notitias, singulatim obscurius & imperfectius, rem repræsentantes, nobis parauerimus, vnâ ex illis iisdem conformamus compositam, quæ iam clarè & perfectè, rem vniuersam, ante oculos ponat; nihil tale, in diuinorum attributorum notitijs, quas de Deo formamus euenit, neque enim vna, neque plures coniunctæ, clarè & perspicuè eum nobis exhibent. Multa ergo, inter Deum cæteraque manent, & magna discrimina.

Huic

v Capreol. vbi  
antea. concl. 2.  
pag. 223. col. 1.

## XVI.

Huic distinctioni, Scotistæ, & Nominales, multa obijciunt, atque inprimis Gregorius, qui trifariam aliqua ratione distingui posse ait; *Primo*, quod ipsa sint rationes, & conceptus quidam distincti. *Secundo*, quod duo pluraue existant, quorum vnus conceptus, vel ratio, alterius conceptus non sit, quo pacto & rationes ipsæ, & res extra animam, differre censentur. *Tertio tandem*, aliquid distingui ab alio ratione dici posse ait, non horum modorum aliquo, sed vt ipsum omninò vnum, secundum se, propter plures rationes, ab intellectu conceptas, distinguatur à seipso ratione, hoc modo, vt huius distinctionis extrema, non illæ rationes, nec aliqua ex ijs aggregata esse intelligantur; sed, vt res extra animam posita præcisè, diuersis huiusmodi rationibus significata, à se distinguatur; & hoc fieri nulla ratione posse, multis rationibus ostendere conatur, quas tamen non magno negotio, refellit Capreolus, (s) dum nihil quidem à se, ratione ratiocinata distinguui, vtrò concedit Gregorio, nihil tamen ratione differre ab eo posse negat, à quo etiam re non sit diuersum. Igitur, neque sapientia Dei, neque essentia à seipsa ratione diuersa est, sed essentia, à sapientia; & sapientia, ab essentia.

s vbi antea, ad 1.  
Gregor. 1. loco  
propositū cont.  
2. pag. 141. col.  
2, in fine.

## XVII:

Libet nunc, summatim vniuersa ferè, quæ de hac distinctione diximus, tribus (r) Caietani pronunciatis, hic repetere, quorum primum est. *In Deo*, ( loquitur enim de perfectionibus diuinis ) *nulla, secundum se, distinctio est actualiter*. Secunda. *In Deo, secundum se, distinctio rationis est, virtualiter seu fundamentaliter*. Tertium. *In Deo, vt terminat actū intellectus nostri, distinctio rationis, actualiter est*. Quod autem doctor is, de diuinis attributis adfert, reliquis etiam, quæ hoc distinctionis genus admittunt, ratione quadam, poterit accommodari.

r De entē & essentia c. 6. q. 12.  
Eadem Capr. 1.  
d. 8. q. 4. præcipuè concl. 5. circa finē. pag. 229.  
tem doctor is, de diuinis attributis adfert, reliquis etiam, quæ hoc distinctionis genus admittunt, ratione quadam, poterit accommodari.  
1. pbat ex Com.  
12. metap. Cō. 39  
Auic. 8. metap.  
suar. cap. vlt.  
Algazel sup me-  
taph. l. 3. c. 1.

## D E D I S T I N C T I O N E

### R E A L I.

#### I.

Atque hæ duæ distinctiones, rationis fuere; tempus nunc est, vt de alijs quoque agatur. Tertia igitur realis est, quæ inter illa versatur,



tur, quorum vnum ab alio, vt res à re, differt. Res autem id appellatur, quod vel separatim existit ab alio, vel certè huiusmodi est, vt possit ab alio separatim existere.

## II.

Cuncti autem Philosophi, quod inficiari nequeant, aliqua inter sese, hoc pacto diuersa esse, distinctionem hanc, summo consensu admittunt; quærunto solum, quænam eam respuunt, vel postulant; & an distinctionis realis nomine, tantum ea, quam nos iam delineauimus, intelligi debeat, an verò latius sumendum verbum sit, vt minores quoque differentias significet? Di. enim Thomæ discipuli, quemadmodum ex ijs, quæ dicentur, manifestum fiet, alia multa, præter ea, quæ à se mutuò possunt auelli, & seorsum esse, re distinguere arbitrantur.

## III.

Ne quis autem, in ipso statim limine impingat, aduertat necesse est, non redire eodem, re quippiam ab aliquo differre, & re cum illo idem non esse; sola enim realia entia, re distincta sunt, cum tamen ens rationis, re distinguere ab ente nequeat, licet non sit cum illo idem; nec immerito, cum rectè Aristoteles 10. (d) metaph. d T. II. doceat, idem & diuersum contrariè opponi, non autem contradiçtoriè, quemadmodum idem & non idem, opposita sunt. Quod si aliquando ens rationis, idem cum ente reali dicere consueuerimus, id negatiuè est intelligendum, quod videlicet reali differentia destituatur, qua re vera differat.

## III.

Ad hanc distinctionem cognoscendam, hæ regulæ præscribi & tradi possunt. Prima. (e) *Quæ separatim existunt, re diuersa sunt*; quamuis hæc non sic reciprocentur, vt quæcunque re diuersa sint, etiam existant separatim, vt materiæ & formæ, substantiæ & quantitates, & alijs sexcentis, aliarum rerum exemplis, demonstrari potest.

e Scotistæ omnes vbi antea. Fons. 5. metaph. c. 6. q. 6. sect. 1. Tolet. in Logica de prædic. in communi. q. 3.

## V.

Secunda. *Quæ eius sunt natura, vt per vllam (f) potentiam separatim esse in natura possint, illa vniuersa, re distincta sunt; si quæ ad hanc conditionem descendere nolint, re distincta, censeri non debent.* Quamobrem aduertendum est, nihil ob stare, quo minus eorum quæ re non dissi-

E

dent, Posterior est t

† Godefridi, apud Capricolum, 1. d. 8. q. 1. art. 2. argumento nono, pag. 193. col. 1.

dent, sed formaliter tantum. vñum sine altero, in mundo existat, sed tamen, vtrique id neutiquam concedi potest. Cùm enim communi quadam existentia gaudeant, vel rectius vñum existat propriè, alterum alterius ratione, quod propriam sibi existentiam vendicat, sine alio reperiri quidem aliquando poterit, vt autem id, quod eiusmodi existentia caret, alicubi sit absq̃ue altero, haud est futurum. Itaque, fundamentum sine relatione, & quantitas sine triangulari figura, v.g. cohærebit in mundo illa quidem, sed relatio sine fundamento, & figura sine quantitate, nusquam reperietur.

## VI.

Tertia regula. *Qua per se primò, diuersarum motionum termini sunt, re discrepans.* Motus enim, vt ex ijs patet, quæ de eius terminis explicari solent, ad rem aliquam existentem terminatur. Ita tamen hæc regula est explicanda, vt per terminum motus, id quod primò acquiritur, intelligamus, quamuis fortassis termini rationem, minus propriè obtineat, vt in locali motu euenit, in quo locus re diuersus est, inter ea quæ acquiruntur, quamuis ybi, natura posterius acquisitū, quam locus, magis propriè motionis illius terminus dicatur, eò, quòd in ipsa re, quæ mouetur inhæreat, quod à loco est alienum.

## VII.

g D.Th. 1. p. q. 41. art. 4. *Quarta. Ea quorum vñum alterum (g) producit, re distinguuntur; si tamen de vera productione sermo sit, quod non sine causa apponitur.* Nam & anima quodammodo suas producit facultates, & nonnulla alia, à quibus tamen ipsa, res diuersa non est existimanda.

Fons. 5. metaph. c. 6. q. 6. sect. 1. & cōmuniter omnes.

## VIII.

b de dist. c. 23. *Quinta. Si qua possint, de se mutuo, sine reduplicatione negari, re diuersa erunt.* Huic regulæ multum Achillinus (h) tribuit, non est tamen ea, vt apparet, multum vsurpata, in communi loquendi vsu & consuetudine, cùm etiam formaliter solum distinctorum alterum, de alio, sine reduplicatione interposita, negare assueuerimus. Sic quantitatem non esse figuram, actionem non esse passionem, motum non esse formam, solemus dicere, quamuis verè quantitas, qua quantitas, actio, qua actio, motus, qua motus, non est forma &c. dicendum foret.

Ex

## IX.

Ex his perspicui potest, quid de ijs regulis, quas superius ex Scotistarum sententia, de hac distinctione retulimus, sit statuendum. Prima enim illa, ut rectè docet (i) Achillinus, falsitatis damnatur, quòd passiones aliquæ, ut naturales propensiones & aptitudines, subiectum in quo hærent, originem suam agnoscant, & tamen idem recum ipso sint, nisi ut ipse loquitur, distinguas inter originari ab altero, & fluere ab altero, quod satis vanum & voluntarium est. Sed tamen hæc regula, si nostræ quam quartam diximus, accommodare se voluerit, eam à crimine absoluemus.

## X.

Secunda. culpa non vacat. Quando enim illa, quorum vnum generatur, altero non generato, re ipsi differre contendunt, quidnam generationis nomine, intelligendum venit? An propriè dicta? atque compositum & relatio, re non distinguuntur, & tamen vnum horum generatur, altero non generato. An ea, qua substantia quocunque modo producitur? at sentiens anima generatur, eius passiones non item; & tamen vna eademque res sunt, vel ipsorum Scotistarum confessione. An fortè generatio illis idem est, quod quæcunque rei productio & ortus, per motum, si tamen sit primus illius & immediatus terminus? atque sic quidem quantitas, qualitas & locus generabitur, relationes autem & alia, quæ hæc concomitantur, non generabuntur, & tamen, re ab illis minimè distinguuntur. An tandem, idem illis generari est, & quocunque modo incipere esse? certè, circularis figura, sectio, localis motus, relatio, esse incipiunt, quando nec quantitas, nec subiectum, nec fundamentum, à quibus tamen illa res diuersæ non sunt, vllò pacto incipiunt. Quare rectè (k) Achillinus, hanc etiam regulam, erroris accusauit.

k de dist. c. 23.  
Fons. 5. metaph.  
c. 6. q. 6. scd. 1.

## XI.

Tertiam, eodem etiam crimine damnamus. Neque enim necesse est, ut ea re distinguantur, quarum vno sublato, alterum adhuc sit superstes, ut relationis & fundamenti, figuræ & quantitatis, ac alijs penè innumeris exemplis manifestè conspicitur. Et quanquam Scotistæ, relationem à fundamento, aliquando realiter distinguant, eius tamen rei rationem nullam legitimam reddunt, quod igitur sine causa, ipsi asserunt, ab alijs negari, ægrè neferant.

E 2

Quartam.

## XII.

Quartam regulam, vt certam & veram agnoscimus; sed ex ea, Scotistæ, essentialem potius suam distinctionem, quam realem iudicarent; cùm ex ipsorum mente, non quæcunque realiter distinguuntur, separata esse in rebus possint, quod generatim, essentialiter diuersis, tantum tribuunt.

Quintam adferunt alij talem. Quæcunque prædicamento differunt, re distinguuntur, sed est omninò falsa; quemadmodum & illa, quæ specie diuersa sunt, vt res à re dissident.

## XIII.

Sed contra secundæ regulæ, posteriorem partem, multa D.

*I* Capr. l. d. 3. q. 3. Thomæ discipuli (1) adferunt, nobis reiicienda. Quamuis enim art. 2. ad 3. Adæ, quæcunque separatim existere possunt, re distingui concedant, cont. 1. pag. 131. multa tamen, re verè differre opinantur, quæ sic connectuntur, vt col. 2. & 1. d. 8. nulla vi possint, à se mutuo auulsæ, in natura consistere. Vniuersa q. 1. art. 2. ad 9. autem ad duo genera reuocant, quorum primum est eorum, quocol. 2. & 2. d. 18. rum vnum, ab altero essentialiter dependet. Iccirco materies à forq. 1. art. 3. ad 1. ma, essentia ab existentia, separari prorsus nequeunt, quod seseAureoli 2. loco mutua quadam & intrinseca dependentia respiciant. ppositū cont. 2. pag. 380. col. 1. & 2.

## XIIII.

Verum, hæc tela, tam formidolosa non sunt, vt qui istam regulā, vndequaq; defendere velit, ea magnoperè pertimescere debeat. Vt enim, si quid ab alio, tanquam à sua essentia, vel aliqua eius parte, siue physica ea sit, siue metaphysica, dependeat, ab eo separari non possit, quodd rem à sua essentia seiunctam esse, ex ijs sit, quæ effici nullo pacto queant; si tamen quippiam ab alio pendeat, vel, vt à termino relationis essentialis; vel, vt à causa efficiente, finali, materiali; si tamen materia sit extrinseca, vt subiectum accidentis respectu est, & materia, si cum forma conferatur; cur ab illo separari se non patietur? Certè, potentias & habitus, ab actibus & obiectis, quæ tamen essentiā & naturā suā respiciunt, disiungi nemo negat, & res quasdam, ante finem suum, intrinsecum etiam, posse consistere, semen, cùm viuens, ad quod vt finem, ex internis suis principijs, est ordinatum, antecedit, satis manifestè declarat. Et cuius tandem externæ causæ vicem, Deus supplere non poterit?

omnis



omnis poterit, ipsius etiam (*m*) materiæ. Quamuis enim illa intrinseca sit compositio, est tamen externa prorsus formæ, & accidentibus. Sanè nullam prorsus essentialē dependentiam, prohibere posse, quo minus id, quod propriam sibi existentiam vendicat, ab alio seiungatur, satis superque demonstrat, quantitatis à substantia remotio, quam Christianus philosophus nunquam inficiabitur. Et quā contradictionem admitteremus, si illa, quibus diuersas essentias & existentias (quod realiter distinctis damus) tribuimus, à se mutuo auelli à Deo posse, concesserimus? neque enim vllius vel essentiæ, vel existentia, ex eo quippiam decedet & tamen, adhuc superesse conuincetur, quæ dubio procul, si darentur, sibi repugnarent. At, quicquid contradictionem secum non adfert, effici à Deo posse, nemo vnquam negabit.

*m* Font. s. meta-  
phys. c. 2. q. 12.  
sect. 3.

### XV.

Secundum genus rerum, quæ cū diuersæ sint, dirimi tamen ac dissociari nequeunt, dicitur eorum esse, quorum vnum, necessariò ex alio manat ac resultat. neque enim fieri posse aiunt, vt id, quod horum præcipuum est, reperiatur vsquam, quin alterum habeat annexum; quamobrem, subiectum à passionibus, anima à potentijs, fundamentum & terminus à relatione, disunctionem omnino recusant, ac deprecantur.

### XVI.

At hæc etiam, parum vel nihil potius efficiunt. Si enim illa separationem defugiant, vel hoc oritur ex ea resultantia, quæ in agente est (quam actiuam dicunt) vel ex ea, quæ reperitur in illo, quod resultauit, & ex alio profluxit, (quam passiuam appellant) vel tandem ex respectu interno, quo id, quod promanasse ab alio, & resultasse perhibetur, affectum est, ad id, à quo ortum dicitur. At nullum horum, tantæ est virtutis ac efficacitatis, vt separationem prohibeat. Non enim primum. Actiua enim illa resultantia, ad actionem aliquam, quemadmodum & vis ea, à qua proficiscitur, ad efficientem causam reuocatur. Atque potest Deus, efficiens quoduis, ne agat, si solum numen suum, & cœleste auxilium ei subtrahat præpedire, præsertim, cū efficere atque producere, ad essentiam ac naturam, non pertineat efficientis & producentis.

Nihil igitur obstat, quo minus Deus Opt. Max. id, à quo quipiam re diuersum oritur, ab eo, quod est ortum, distinctum conseruet. Quod si naturales causæ, impedimentum inferre possint, actiuæ resultantiæ, quam diximus, id Deus naturæ autor non poterit? Atque calor in aqua existens, ne consequatur, vel resultat frigus, impedit; quod tamen, si ridendi facultas, res distincta est à subiecto, (quod ipsi fatentur) ita propria passio aquæ erit, ut subiecti sui quæcunque alia. Et, quis idem frigus obstare ignorat, quod minus lumen in aqua receptum, calorem resultare & oriri, faciat? idem est in alijs aduertere. Nihil igitur primum eorum, quæ proposueramus, pertimescendum. Neque secundum quicquam formidabile; neque enim resultans, ab eo, ad quod resultauit, nisi vel ut à termino relationis intrinsecæ, vel ut à causa efficiente, aut finali, aut materiali extrinseca dependet; At quicquid horum modorum aliquo, ab alio dependet, separari ab eo & auelli posse, ante ostensum est. Et certè, calorem qui ad lumen in aëre fufum resultauit, ipso etiam lumine sublato, adhuc in eodem aëre permanere superstitem, experientia testis est. Ex quibus etiam apparet, quam vim tertium illud membrum habeat. Et quid mirum, si id, ex quo aliquid re distinctum est natum, posse absque hoc consistere contendamus, si Theologi doceant, multa etiam formaliter tantum distincta, & quæ naturâ consequerentur ad aliud non necessariò consequi? Sic subsistentiam ad naturam propriam, coextensionem partium locati, ad locum se habere dicunt.

## XVII.

Neque tamen prætereundum est, eorum nonnulla, quæ pro diuersarum rerum exemplis, à Thomistis circumferuntur, formaliter duntaxat esse diuersa, ut essentiam & existentiam, totum & partes, fundamentum & relationem, subiectum & passionem. Quod si re, ut ipsi dicunt, differrent, seiungi possent. Materiam autem à forma, rem distinctam esse, benè quidem dicunt, non separabilem autem esse ab ea, ita ut adhuc existat, nondum probarunt. Quid ergò tandem illis distinctio realis est? nihil aliud puto, quam quæcunque præter intelligentiam, rerum diuersitas, non quæ necessariò, inter ea sit, quæ existentias tales habent, ob quas aut existunt seorsim, aut saltem queunt per aliquam potentiam sic existere. Et  
hoc

hoc quidem eos velle, satis videtur esse perspicuum, cum essentia ab existentia eorum iudicio re differat, quam tamen ab illa seiungi posse, vt sit, rectè negant, & à forma materiam rem distinctam asserant, quæ tamen propriam existentiam omninò auersatur, vt aiunt. Et certè (q) Caietanus eorum verbis, qui re diuersis, diuersas etiam existentias poscunt apertissimè reclamation.

q De ente & essent. c. 5. q. 10. ad 3.

## DE DISTINCTIONE

### FORMALI.

#### I.

Hæc ferè sunt, quæ de reali distinctione dici possunt, reliquum nunc est, vt etiam de formali agamus.

Formalis igitur distinctio (a) entitatum est, naturæ suæ, seu ante mentis actionem, in rebus perfectè & actu differentium, quæ nec seorsim existunt ab alijs, neque etiam sunt tales, vt possint ab inuicem separari & esse. Dicitur autem (in rebus perfectè & actu differentium) vt secludantur ab hac definitione, prædicata vniuersa superiora, in serie alicuius prædicamenti, (quæ & gradus metaphysici, seu essentialis nuncupari solent) eorum respectu, quæ constituunt. Vt enim illa, ab inferioribus sibi subiectis, animo & cogitatione distingui rectè possint, nihil tamen in rebus ipsis agnoscunt differentia & discriminis, quod in homine, v.g. nullam prorsus entitatem inuenire liceat, quæ animal sit, & eadem non rationis capax, & homo; in formaliter autem distinctis, res aliter se habet, nec quod vnius conuenit entitati, alterius vnquam rectè tribuitur; quamuis enim res quæ relatio est, sit etiam res quæ fundamentum appellatur, entitas tamen illa, quæ relatio dicitur, minimè fundamenti entitas est dicenda; idem in quantitate & figura, actione, & passione, forma & motu, & alijs quamplurimis aduertere licebit.

a Vide Fonsce. 5 metaphysic. c. 6. q. 6. sect. 2.

#### II.

Sed quoniam non exigua difficultas est, an gradus metaphysici, formaliter quod multorum (b) patrocinijs defenditur, an solum ratione, vt D. (c) Thomæ placet, sint inter se distincti, id hoc in loco diligentius explicandum erit. Gradus igitur istos, non

b Scotistarum & aliorum neoteriorum.

c Apud Dom. Soto. q. 3. vniuersar. 2. ex c. 3. de ente & essen.

esse & alijs locis. †

† Dom. Bannes 1. p. q. 28. art. 2. & alijs cōmuniter, vt Sonc. 7. met. q. 36. Caic. de ente & essen. c. 3.

esse formaliter inter se diuerfos, manifestum euadet, si animadu-  
uerterimus, quonam modo ipsi ab indiuiduo sumantur. Igitur  
intellectione nostra conquiescente, nulla prorsus indiuiduis in-  
est distinctio, nisi materiæ atque formæ, in illis quæ corporea  
sunt, cæteroqui res quædam sunt simplicissimæ, quæ tamen fun-  
damenta multarum variarumque distinctionum per intelligen-  
tiam existant. Primum igitur animus noster, diuersam indiui-  
dui alicuius, v.g. Socratis, post diuersam naturæ notionem con-  
format. Videt enim, nil obstare, quò minus totam Socratis essen-  
tiam comprehendat, quamuis ipsum cuius ea est, non intelligat.  
Atque eandem quam concepit in Socrate naturam, in alijs etiam  
similibus indiuiduis reperiri cernit, ex quo eam ab illo singulari  
existendi modo distinctam esse, si non re, aliquo modo saltem,  
rectè concludit.

### III.

Veruntamen, natura hac ratione ab indiuiduo separata & dis-  
tincta, multarum adhuc diuisionum & distinctionum per intel-  
lectum capax est. Cùm enim ab ea multæ variæque actiones & per-  
fectiones dimanent, vt v. g. ab humanitate, ratio, sensus, vita, ex-  
tensio, subsistentia; aduertit animus, harum eas quæ minus sunt  
nobiles, præstantiores & nobiliores in sui intellectione & cogni-  
tione nõ postulare, quamuis semper è contrario. Subsistere enim,  
quod cæteris iam numeratis omnibus, dignitate & nobilitate ce-  
dit, sine extensione siue corpore potest comprehendi, non contra.  
Similiter corpus absque vita percipi nihil vetat, quamuis viuens  
sine corpore nequeat intelligi: Atque idem de alijs iudicium, sem-  
per enim ea perfectio, quæ ignobilior est, nobiliorem antecedit,  
& ei quodammodo substernitur, non tamen contra.

### IIII.

Hoc cùm ita sit, fit sanè, vt animus noster naturam hanc huma-  
nam v. g. variè ac dissimiliter possit intelligere, ac primum qui-  
dem, vt suarum perfectionum omnium infimā prodit; hæc enim,  
sequentes præstantiores ac nobiliores, in sua notione non com-  
plectitur, proindeque sine ijs cognosci apta est, vt diximus. De-  
inde, quatenus ab ea corporeum oritur; Tertio, prout principium  
vitæ & vegetationis existit. Tunc, qua sensus est capax; & tandem  
ad



ad extremum, vt rationem participat. Primo igitur modo spectata, summum genus est, nempè substantia: secundo & tertio, subalternum, corpus videlicet & animatum: quarto, genus propinquum, nimirum animal; quinto demum ac postremò, species infima, scilicet homo. Atque hæc certissima ratio est, qua gradus essentialia, seu metaphysici, ab indiuiduis abstrahuntur, quæ sanè maiorem distinctionem quam rationis, non conuincit.

## V.

Quod autem ad distinctionem formalem impediendam, plurimum habet momenti, omnes istos gradus, non aliquid tantum essentia, sed naturam totam, eius rei, cui conueniunt significare, licet non secundum omnem prorsus rationem ac perfectionem; & similiter omnibus & singulis conceptibus, quibus eorum vnus cognoscitur, rem vniuersam in qua sunt percipi, duobus ex capitibus ostenditur; quorum alterum summa rei cognitæ vnitas est; alterum verò, ratio seu modus, quo ipsa intelligitur. Ex primo igitur, sic demonstratur, quoniam id, de quo mens ac intelligentia nostra cunctas notiones format, simplicissimum quippiam existit, omnem distinctionem, præterquam interdum solius materiae & formæ, repudiens; idcirco, nihil quidem prohibet, quo minus de eo varias notiones effingamus, sed tamen vniuersæ, rem eandem repræsentabunt, cum in Socrate v.g. non reperiatur aliquid, quod animal sit, & non item homo; & quod vni alicui comprehensioni, quæ circa eius naturam sit, obijciatur, & non etiam alteri, sed totum quod in eo est, animal appelletur & item homo; totumque correspondeat omnibus conceptionibus, quæ fiunt, licet singulis non comprehendatur, secundum omnes conditiones & perfectiones, sed vnâ secundum vnâ, aliâ secundum aliam; hæc formaliter distinctis, non rectè tribuerentur.

## VI.

Vt autem idem ex concipiendi etiam modo innotescat, aduertendum, bifariam aliquid apprehendi posse; & instar partis, seu in abstracto; & perinde vt totum, seu in concreto. Priori modo cognosci dicitur, à philosophis id, quod non intelligitur, vt vndiq; perfectum, omnibusque suis numeris absolutum, & aptum, vt

possit in rerum vniuersitate existere, per se; sed duntaxat vt ratio & causa, cur in alio, quod verè in mundo existit, hæ, vel aliæ conditiones ac perfectiones cernantur. Ex quo fit, vt, si (quæ eiusmodi est) verbo aliquo exprimatur, cum omnium eorum præcisione significetur, quæ ad suam notitiam non pertinent. Quare, nec quicquam complectitur, præter eam rationem & causam, ob quam id, quod verè in mundo reperitur, has vel illas conditiones habeat, v g potest considerari albedo, non quali illa quicquam sit, quod ab alijs seiunctim vspiam inueniatur, sed solum vt talis, quæ verè in aliquo quod per se consistit in natura hæreat, tanquam causa, quam obrem ipsum sit hoc vel illo modo affectum, vt v g. album; atque si ita spectetur, solum albedo est, ab omnibus alijs præcisa, ac tanquam pars, seu in abstracto concepta.

## VII.

Secundo modo intelligitur res, vt aliquid absolutum, perfectum, omnibusque ijs instructum quæ necessaria sunt, vt existat in rerum natura; quare licet tunc solummodo vna aliqua eius perfectio, clarè & euidenter exprimatur, attamen, cum non quacunquæ ratione, sed ita significetur, vt potest existere, & esse vnum quid totum; includit etiam ea, quæ si abessent, non existeret; quare, non cum omnium eorum præcisione iam sumitur, quæ in sua notatione non includuntur, quin potius multa eiusmodi connotat, eò videlicet, quod ijs opus habeat, vt subsistat, quod v. g. contingit in albo, hoc enim quia non quocunquæ modo, sed vt in mundo cohærens, & quid totum significatur, non solum albedinem complectitur, (sola enim existere non potest) sed etiam subiectum. Atque hic secundus modus est eorum, quibus res apprehendi posse dicebamus, scilicet is, quo perinde vt totum quoddam comprehenduntur.

## VIII.

Cùm ergo duplex ista cognoscendi ratio sese nobis offerat, natura aliqua nobis proposita, dupliciter etiam concipi apprehendi poterit; & quidem vt pars, si tanquam abstractum quid intelligatur: vt totum verò, si in concreto percipiatur; & quidem priori modo intellecta, præcisè eam solam rationem significabit, per quam aliquid est homo, (si agatur de humana natura) at verò  
post-

posteriori, explicatè quidem illam eandem rationem, sed eam adedò perfectam & absolutam significabit, vt existere queat, ac propterea etiam vniuersa illa connotabit, sine quorum præsidio, subsistentiam non haberet, & quia humanitas, nisi in aliquo indiuiduo non existeret, idcirco, hac ratione concepta, implicite indiuiduum aliquod includet, atque hoc nomine concreto, homo, exprimitur.

#### IX.

Vniuersi igitur gradus metaphysici, naturam vt totum quid, in concreto significant; quare licet solam aliquam perfectionem explicite, confusè tamen, & per connotationem, totum id quod est in re designant. Atque hæc etiam est ratio, cur de subiectis sibi inferioribus possint enunciari: sicut enim accidens concretum, affirmatur de subiecto, non autem abstractum, quod illud totum, hoc partem explicet, ita etiam gradus essentialia de rebus sibi subiectis, rectè prædicantur, quod eas totas, non autem secundum partem duntaxat, significant, pars enim non affirmatur de toto: quare etiam nomina naturarum abstracta, vt, humanitas v.g. & similia, contraria de causa non prædicantur.

#### X.

Ex his efficitur primò; vt quando v.g. hominem animal rationis capax dicimus, non eum ex duabus partibus, aut entitatibus conflatum significemus, quarum vna in ipso animal sit, & non rationis particeps; altera verò contra rationis particeps, & non animal; sed potius tam ex summa eius vnitatem, quam eum cognoscendi modo concludamus, ipsum animal, quod in eo existit, tale esse, nempe rationale, & differentiam inter hæc tria, animal, rationis capax, & hominem; non perinde in re quæ simplicissima est, atque in nostra intellectione positam esse; par iudicium de alijs.

#### XI.

Ex iisdem colligitur secundò; genus, differentiamque, non esse aliqua duo, vt materiam & formam distincta, sed vnum idemque, diuerso tamen modo conceptum; & genus differentia iunctum, non remanere amplius commune quid, quemadmodum materia etià formæ copulata manere solet, sed fieri particulare; ipsummet enim animal quod reperitur in homine, rationale quippiam est,

& non solum homo est talis; ex quo etiam fit, vt quatuor ista verba, Genus, Differentia, Species, Definitio, eandem prorsus potestatem habeant, diuerso tamen modo. Nam genus (vt animal v.g.) totum id, quod est in specie, sed neque integrè, neque explicatè significat, cum solum aliquam eius perfectionem, communem scilicet & ignobiliorem explicet, reliquas confusè & indeterminatè connotet. Differentia (vt rationale) totum etiam quod continetur in Specie denotat, sed neque vniuersè & integrè, neq; expressè, solum enim aliquam perfectionem particularem & nobiliorem speciei declarat, cæteras autem ignobiliores tantum implicitè concernit, magis tamen totum indicat quàm genus, hoc enim communem aliquam perfectionem & obscuriorem, differentia autem nobiliorem, & magis propriam explicat, ideoque clariorem totiusque speciei significationem facit. Sed præterea, quamuis differentia implicitè genus designet, non tamen indeterminatè & confusè, rationale enim v.g. vt esse possit, & vt rationale, requirit determinatè animal, quamuis eius rationem non explicet, sed rationatiui duntaxat; Genus autem non solum implicitè ostendit differentias, nullum enim exprimit, sed etiam confusè & indeterminatè, non enim vnā potius requirit quàm aliam, cum quælibet illarum sit satis, vt ipsum possit existere, & esse aliquid totum. Species (vt homo) vtrumque, & Genus & Differentiam notat, & quidem determinatè, implicitè tamen; nec enim generis nec differentiae rationem declarat, sed totum ex vtroque constitutum. Definitio autem (vt animal rationale) vtrumque & Genus & Differentiam denotat, sed explicatè; vt optimè de his D. Tho: (d) dixisse videatur. Si homo aliquo modo ex animali & rationali dicatur esse, non erit sicut res tertia, ex duobus rebus, sed sicut intellectus tertius, ex duobus intellectibus. Intellectus enim animalis, est sine determinatione formæ specialis, naturam exprimens rei; ex eo quod est materiale, respectu vltimæ perfectionis; Intellectus autem huius differentiae, rationalis, consistit in determinatione formæ specialis; ex quibus duobus intellectibus, constituitur intellectus speciei vel definitionis. Mirum igitur est, eos, qui in forma, actione, passione, &c. distinctas entitates non agnoscunt, in vnica eaque simplicissima indiuidui alicuius essentia, tantum cummulum diuersarum formaliter entitatum videre posse. Maneat igitur

d cap. 3. de ente  
& essent.



igitur quod supra diximus, gradus istos essentialiter formaliter minime diuersos esse.

## XII.

Sed iam ad reliquam huius distinctionis magis propriam doctrinam, redeamus. Hæc igitur quæ formaliter distincta nominantur, si diuersas quoque existentias obtineant, realiter etiam distinguuntur; quod si contingat, distinctio formalis non pura appellabitur, talis inter hominem & leonem est, v. g. si verò realiter non different, distinctio formalis pura dicetur, eiusmodi inter figuram & quantitatem, animam eiusque potentias, essentiam & existentiam, relationem & fundamentum, & cætera innumera alia, ponimus.

## XIII.

Hanc rerum differentiam Scotistæ vniuersi admittunt, & reuera etiam Thomistæ, fatentur enim hi, esse naturas quasdam, ante opus intellectus discrepantes, quæ tamen separatas existentias respiciunt; hanc autem nos formalem distinctionem nuncupamus. Et sanè Aristoteles Ipse, vt ex ijs patet, quæ supra dicta sunt, hanc distinctionis formam non solum approbavit, sed etiam sæpius usurpauit.

## XIIII.

Et quamuis eam nominales ferre nequeant, non quod realem esse arbitrentur, sed quod inter solos conceptus versetur, vt putant, quemadmodum omnis distinctio, quæ non est rerum, tamen eos falli, ex eo potest conuinci, quod figura & quantitas, relatio & fundamentum, differant etiam tum, quando nos illa non concipimus, quod vnum pereat, alio non pereunte; vnum producat, alio non producto, longè ergò maior horum distinctio est, quam quæ inter solas conceptiones sit, necesse igitur est, vt etiam aliquo pacto in rebus ipsis inueniatur; præterquam quod ea, quæ nos formaliter distincta dicimus, plerumque diuersorum prædicamentorum res sint, auellique possint ab inuicem vt exemplo Geometriae

Sed cùm huius distinctionis propugnatoribus, non benè admodum recentiores quidem conueniunt, quibus cùm fufius agendum est. Hi cuncta quæ à parte rei differunt, realiter diuerfa esse, & distinctas sortiri existencias, omninò arbitrantur, quod planè persuasum habeant, repugnare, duarum essentiarum vnã eandemq; existenciam esse; sed hi credo, non nihil de sua seueritate remittent, si Christi humanitatem considerauerint, eamq; aut existenciam, aut subsistentiam verbi, subsistere aduerterint: sicuti ergo, quia humanitas assumpta est à verbo, non habet propriam subsistentiam, ita cùm inueniantur quædam, quæ non sunt res distinctæ ab alijs, sed solùm rerum quidam modi, vel simile quid, debent posse existere, eadem existenciâ qua totum suum subiectum. Accedit etiam, quod si illæ distinctas existencias obtinerent, explicatu admodum esset difficile, quamobrem separatim existere nequirent. Et certò mirum est, eos hoc asserere, qui gradus metaphysicos formaliter ab inferioribus distinguunt, hinc enim manifestè concluditur, vniuersale à singulari existenciam, distinctam adeptum esse. Equidem, si, quod nedum in mentem nobis venit, assereremus, diuerfas essencias, vt res & res distingui; dubium non esset, quin distinctæ etiam existenciæ illis essent à nobis tribuendæ, sed tamen longè aliter est, cùm vnica tantùm res sit in natura, pluribus formalitatibus cumulata, quæ diuersis conceptibus intelligi requirunt: Præterea, ista quæ nos essentij non autem existentijs distingui contendimus, non sunt res variæ, sed vel res & modus, vt essentia & existenciam, qualitas & intensio, v. g. vel tandem res eadem absolutè & in ordine ad aliud considerata, vt anima eiusq; facultates.

## XVI.

Neque verum est quod obijcitur, existenciam maximè propinquum esse essenciæ actum, multas autem variasq; essencias, eundem actum proximum habere non posse; neque enim vlla ratio apparet, qua id vniuersè probetur, cùm tamen & exemplis & argumentis, rem secus se habere, paulò ante ostenderimus. Nec verò mirum cuiquam videri debet, quod dicimus; quemadmodum enim res quædam sunt in mundo, adeò absolutæ perfectæque vt  
sub.

substant ab omnibus alijs seiunctæ, vt substantiæ: alia contra, tam imbecilles & imperfectæ; vt naturæ viribus, nisi ab alio sustententur, esse nequeant, vt v. g. accidentia, ita etiam quædam adhuc longè imperfectiores & debiliores reperiuntur vtpote, quæ propria existentia omninò coherere non possunt, sed tantum aliena sui subiecti, huius generis ea censentur, quæ nos inter formaliter distincta numeramus. Et quamuis duæ essentia, vnum & eundem existentia actum, ex se proferre non valeant, nihil vetat tamen, quo minus aliqua tam imperfecta sit essentia, vt nullum huiusmodi actum proferat, sed solum subiecti sui existentia consistat.

## XVII.

Non tamen existimandum est futurum, vt, nisi diuersis naturis diuersas etiam existentias concesserimus, accidens subsistere fateri cogamur, eò, quod potentijs animæ v. g. eiusdem existentiam tribuamus, quæ tamen subsistentia quædam est, nullo enim negotio hoc refellitur; vt enim qua existentia anima, eadem facultates eius existant; hæ tamen cum sint, non vt anima, sed vt aliquid ipsius, potius inexistunt & inhærent; cuius ea redditur ratio, quod licet horum vtrumque, per idem esse, reperiatur in vniuerso, est tamen hoc proprium animæ, potentijs alienum; quare per illud anima est, vt aliquid per se, facultates verò eius quemadmodum aliquid alterius. Ex quo etiam colligitur, eandem existentiam, vnius respectu subsistentiam, si verò conferatur cum altero, inhærentiam esse; quod illud vt aliquid alterius esse faciat, hoc autem inhærentiæ rectè tribuitur. Quod si quis hinc concludi contendat, potentias animæ per subsistentiam inhærent, quod non minus falsum plenumque erroris videtur, quam vt aliquid per nigredinem albescat, occurrendum ei erit; fieri quidem non posse, vt quippiam per suam subsistentiam inhæreat, nihil tamen ob stare, quo minus id fiat per alienam, cum illa eadem, si respiciatur ab vno, subsistentia sit, sin verò ab altero, inhærentia.

tentiam refellendam. Est autem illud eiusmodi. Circularis figura v. g. definit, etiam si ea à qua pendeat quantitas, non intereat; quod quo pacto fieri posset, non apparet, si figura illa (quod dicitur) eandem cum quantitate participaret existentiam. Neque enim figura cessabit, quod eius essentia definat, hæc enim qua talis, nec incipit vnquam nec definit, utpote nec generationi obnoxia nec corruptioni, desinet ergo ut essentia existens, seu quod eius existentia tollatur è medio; at si hæc eadem cum existentia quantitas est (ut aiunt) cum hæc permaneat, illa non interibit. Et sanè vix quicquam tam est incredibile, quàm ut illud intereat, cuius existentia superstes sit; & tamen, figura interire dicitur, salua quantitatis existentia, qua ipsa existere putatur ab ijs, qui hanc nostram sententiam sequuntur. Præterea cerâ quæ rotunda erat, in quadratam figuram formatâ, sic instant; essentia tota figuræ rotundæ incolumis relinquatur, omnis enim corruptionis experta est, remanet quoque existentia eiusdem, utpote, quæ ipsa existentia quantitatis censetur, quæ mutatâ figurâ persistit. Ergo tota figura circularis, (quæ nihil aliud quàm essentia & existentia est) etiam postquam interierit, superstes erit. Quod non solum absurdum videtur, sed etiam fieri nulla ratione posse.

#### XIX.

Attamen, hæc non rectè conclusa est ratiocinatio. Neque enim tum res aliqua solum tollitur, quando eius existentia cessat, sed etiam tum, quando quamvis hæc permaneat, eius tamen essentia, existentia esse definit: In eo autem casu quem proposuimus, non interit quidem figuræ circularis existentia, sed definit eiusdem figuræ esse existentia, idque propterea, quod diuersæ figuræ, in eadem quantitate se tolerare nequeant. Atque hoc inprimis accidentium exemplo declarari potest, quæ cum non per se subsistant ut substantiæ, non habent etiam vnum & eundem definendi modum, sed distinctos. Possunt enim, & sublata existentia subiecti, à quo necessario pendent interire, ut v. g. frigus & calor, si compositum cui inhærent destruat; &, si propria eorum existentia cesset, ut cum frigus v. g. à calore corrumpitur: simili ergo ratione, cum quædam accidentia propria existentia destituantur, ea videlicet, quæ solum formaliter differre diximus, non æquū est,

ut,



ut, quemadmodum res propriam existentiam sibi vendicantes intercedunt, ita etiam ea interire & desinere dicamus, cum vel hoc solum corrumpi possint, quod subiecti existentia illorum etiam esse desistat. Idem hoc, exemplo humanitatis Christi perspicuum est. Hæc enim, cum verbi subsistentia subsistat, non solum desineret tum, si quod fieri nullo pacto potest, verbi subsistentia cessaret esse, sed etiam, si ista humanitatem defereret, eo pacto, ut aliam subsistentiam non acciperet. Nihil igitur absurdi est, si ea quæ proprium esse non habent, interire dicantur, etiam si illorum existentia adhuc sit superstes, cum solum ex eo tollantur, quod esse subiecti in quo reperiuntur, ad ea non amplius porrigatur. Atque ex his faciliè etiam cera ista, cuius in argumento mentio facta est, eiusque figuræ tractabuntur. Ut enim, & essentia & existentia figurarum permaneant, si tamen hæ non coniungantur, existentia quidem erit, essentia tamen esse non poterit. Sed melius respondebit, qui etiam figurarum essentias tolli dixerit, remanere enim, ijs quæ sunt, attribuitur; essentia verò nisi existat, non est; quod ea quæ talis, nec esse, nec non esse, necessariò postulet, sed solum notione sua contineatur.

## XX.

Vt autem hæc omnia penitus perspiciantur planeque cognita sint, tres respondendi modos advertere necesse est, quibus omnibus alijs difficultatibus quæ fortè ex hac nostra sententia oriri posse videntur, satis fiat. Primus is est, quo sumus hætenus vsi, scilicet, vnam esse duntaxat, & subiecti, & accidentis, quod tantum formaliter distinctum dicitur existentiam, quæ non simpliciter & absolutè, sed diuerforum respectu, & inhærentia & subsistentia nuncupetur, eò, quod vnum per se, alterum ut aliquid alterius esse faciat. Nec mirum, cum per illam tale cuique essentiarum esse supereditetur, quale ipsa flagitat, illarumque vna aliquid per se sit, quod non includit ordinem ad aliud, alia verò quippiam alterius, ne propriè quidem, sed impropriè & metaphoricè in eo receptū, cum ab illo non ut res quædam à re dissideat, quod tamen ad ea est

Maliter tantum distincti existentia, quæ duas tamen formalitates complectitur; subiecti enim respectu, subsistentia est; si verò comparatur cum accidente, inhærentia. Si quis verò hunc in modum nos vrgeat; vna existentia, duas formalitates continet; ergò duas quoque essentias continebit; quod absurdum sanè videtur, cum existentia essentiam nullam habent; bipartitam essentiæ acceptionem esse respondebimus, vel enim latissimè sumitur, quatenus videlicet essentia & ens, quod tam de essentia, quàm de existentia dicitur reciprocantur, & sic existentia essentiam habet, cum certa quædam natura sit, qua ratione vnā existentiam duas essentias, id est, duplicem existentia rationem complecti, non inficiamur; Vel essentiæ verbum, ad ea significanda vsurpatur, quæ ab existentia sunt distincta; & sic concedi non debet, quod si existentia duas formalitates habeat, totidem etiam complectatur essentias. Vt enim essentia quæuis formalitas sit, non tamen continuò quæuis formalitas erit essentia, quod & ipsa existentia quædam sit formalitas, non tamen essentia, si tam religiosè hoc nomine sit vtendum. Sciscitabitur etiam fortassis quispiam, per quidnam hæ duæ existendi rationes, vna fiant existentia? non enim per nouā aliquam vtrique communem, quod (nisi velimus concedere, rem in infinitum abire posse) non detur existentia existentia. Sed occurrendum est, has ex sua natura, non autem per nouam aliquam existentiam vnā effici, ea de causa, quod tales sint, vt sibi correspondentes essentias, non nisi simul faciant existere, nec quocunque modo, sed vt coalescant in vnum, eo pacto, vt ne diuinā quidem potentiā à se possint auelli & esse, quamuis quodque sua existentia gaudeat, formaliter ab alterius diuersā.

## XXII.

Neq; secundus hic modus idem cum primo est. In illo enim explicando, vnica esse existentia & formaliter & realiter diximus, quæ (licet non similiter pro ut naturæ distinctæ distinctos etiam essendi modos possunt) & subiecto & accidenti esse præbet, cum id operis ac muneris habere videatur existentia, vt non solum subiectum, sed etiam vniuersa faciat existere, sine quibus ipsum nequam reperiretur; qualia ea pleraque sunt, quæ solum formaliter ab alijs distincta appellauimus; in secundo autem hoc modo, duas existentias asseruimus; vnā subiecti, alteram accidentis, easq; formaliter diuersas, quemadmodum id fuit explicatum.

### XXIII.

Hæc de duobus prioribus modis, tertium nunc cognoscamus. Duplex igitur existentia reperitur, quædã imperfectissima, quæ nihil aliud quã essendi quidã modus est, extra suas causas quacunq; tandem ratione id eueniat. Alia perfectior, qua aliquid perinde extra suas causas inuenitur, vt quid, à quocunq; alio distinctũ, aptũq; per se terminare motũ, & diuinitus saltem ab ijs, quæ ad suã essentiã non pertinent, seiungi. Priori modo, haud dubiè cuncta, quæ formaliter distinguuntur, diuersam habent existentia, secundo verò minimè. Quæcunq; autè in rerũ vniuersitate extant, secundo modo existentiam siue propriã siue alienã exigunt. Quicquid enim in mundo est, tale sit oportet, vt aliquo pacto produci queat, & esse quid distinctum ab alijs, à quibus ipsum separari nihil prohibeat; atqui hoc, nisi per existentia secundo modo acceptum, nunquam habebit.

### XXIIII.

Ad hanc porrò distinctionem cognoscendam, hæ regulæ possunt præscribi. Prima. *Quæ vna eademq; definitione non explicantur*, vel (si careant definitione, quemadmodum genera generalissima) *quæ diuersas habent descriptiones, formaliter differunt*. Diuersæ enim definitiones, vel descriptiones, diuersarum etiam essentialium certissima sunt indicia. Ea autem nos formaliter differre dicimus, quibus essentialiæ non eadem, quamuis existentia non distincta. Secunda ex priori consequens est. *Quacunq; differunt predicamento, formaliter saltem differunt*. Tertia item ex priori colligitur, videlicet; *vt ea, quæ in diuisione per partes essentielles instituta, in distinctis membris reperiantur, differant vt minimum formaliter*. Ex quibus fit quarta *Vt quicquid in sua essentia aliquid includat, quod non includitur ab alio, differat ab illo formaliter*; si tamen hæc in re, non solum autem in animo distinctionem agnoscant, ex quo gradus essentielles formaliter distinguere non efficiunt. Quamuis enim per intellectum homo v.g. aliquid contineat, quod animal non includat vel contra, hæc tamen solius rationis distinctio est, in re enim, nullum est (vt supra diximus) inter genus, differentiam, speciemq; discrimen; formalis au-



*Errata grauiora sic corrige.*

PRIMAE PARTIS.

Not. 6. Nominalium, versu 6. pro pluris; lege plures. In distinctione formali Scotistarum, versu 3. omitte viam; vel versu 5. aditum. Ibidem, Not. 2. versu ultimo, pro qua; lege quam. Ibidem Not. 4. versu 10. à fine, pro attribuantur; lege attribuat.

SECUNDAE PARTIS.

De distinctione, rationis ratiocinatæ. Propos. 5. versu 8. pro à rebus; lege in rebus.









*Errata grauiora sic corrige.*

PRIMAE PARTIS.

Not. 6. Nominalium, versu 6. pro pluris; lege plures. In distinctione formali Scotistarum, versu 3. omitte viam; vel versu 5. aditum. Ibidem, Not. 2. versu vltimo, pro qua; lege quam. Ibidem Not. 4. versu 10. à fine, pro attribuantur; lege attribuatur.

SECVNDÆ PARTIS.

De distinctione, rationis ratiocinatæ. Propos. 5. versu 8. pro à rebus; lege in rebus.







*Errata grauiora sic corrige.*

PRIMAE PARTIS.

Not. 6. Nominalium, versu 6. pro pluris; lege plures. In distinctione formali Scotistarum, versu 3. omitte viam; vel versu 5. aditum. Ibidem, Not. 2. versu vltimo, pro qua; lege quam. Ibidem Not. 4. versu 10. à fine, pro attribuantur; lege attribuatur.

SECVNDAE PARTIS.

De distinctione, rationis ratiocinatae. Propos. 5. versu 8. pro à rebus; lege in rebus.

